

Igaragaza Ry'

Ibihe Birindwi By'itorero

Igice Cya Kane

Igisekuru Cy'itorero Ry'I Simuruna

Ibyahishuwe 2:8-11:

"Wandikire Malayika w'itorero ry'i Simuruna uti: Uwa mbere ari na we w'imperuka, Uwari warapfuye none akaba ari muzima aravuga aya magambo ati: nzi amakuba yawe n'ubukene bwawe (ariko rero uri umutunzi), nuko utukwa n'abiyita Abayuda nyamara atari bo, ahubwo ari ab'isinagogi ya Satani.

Ntutinye ibyo ugiye kuzababazwa. Dore, Satani agiye gushyirisha bamwe muri mwe mu nzu y'imbohe kugira ngo mugeragezwe, kandi muzamara iminsi cumi mubabazwa.

Ariko uge ukiranuka uzageze ku gupfa, nange nzaguha ikamba ry'ubugingo. Ufite ugutwi niyumve ibyo Umwuka abwira amatorero: unesha nta cyo azatwarwa n'urupfu rwa kabiri."

INTANGIRIRO

Mu kubibutsa, nifuzaga kongera kubereka uko twageze aho tubona amazina y'intumwa z'ibihe bitandukanye. Imana, mu bushake Bwayo bwigenga, yabereye maso amateka y'itorero ry'Isezerano Rishya ngo atazima, nk'uko Yari yarakoze ngo amateka ya Isirayeli atazima, Iyashyira muri Bibiliya kandi Iyihamiriza none ikoreshsheje ubuvumbuzi n'ibisobanuro by'abashakashatsi bataburuye imizingo, n'ibikoresho by'ibumba n'ibindi. Mbese dufite igitabo kitwa: "Ibikomeje kuvugwa ku mateka ya Bibiliya", uhoreye ku rupapuro rwa mbere Rwacyo ukageza ubu. Bityo, mu kwiga amateka, dushobora kubona uwo muntu uwo ari we cyangwa abo bantu abo ari bo, mu bihe bitandukanye, barushije abandi kwegera urugero rw'itangiriro rw'Imana ari rwo intumwa Pawulo. Dukwiye rero kwitegerezza abo Imana yakoresheje ngo igarure ubwoko Bwayo mu Ijambo ry'ukuri. Hanyuma, muri abo, harimo umwe muri buri gisekuru ugomba kwigaragaza mu buryo busobanutse wegereye cyane mu kitegererezo k'Ijambo n'imbaraga. Uwo ni we ntumwa.

Ibihe na byo, tubibona twiga amateka. Ni ugsoma gusa ibihe nk'uko bivugwa mu Byahishuwe, kandi tubona ibyo byosebihura neza n'amateka, nk'uko BIGOMBA GUHURA BYANZE BIKUNZE. Kuko ibihe by'itorero byari byaranahuwe n'Imana, kandi n'imiterere bwite yajyaga kuranga buri kintu muri byo yari yarahishuwe, byari ngombwa ko amateka yajyaga gukurikira ahura n'ibigaragazwa muri Bibiliya. Bivoroshye cyane, ariko kwiyoroshye ni rwo rufungozo rw'Ijambo mu buryo buboneye. Rero, muri ibi byose, nta bwo nagarukiye gusa ku gikorwa cy'umunyamateka, ahubwo nashatse kuba umuntu ufatiye ku by'Umwuka, kandi mu buryo bugaragara nabifashijwemo n'Umwuka w'Imana ntoranya abantu natoranje. Ni byo, Imana izi umutima wange.

INTUMWA

Dukoresheje amabwiriza twahawe n'Imana ngo dutoranye intumwa ya buri gisekuru, tuvuga tudashidikanya ko ari Irene Umwami yahagurukirije uwo murimo. Yari umwigishwa wa Polikarupo, uriya mukiranutsi ukomeye kandi uharanira kwizera. Kandi ntidushidikanya ko ku birenge by'uyu muntu ukomeye, yari yarahigiye ubuntu bwa Gikristo bwari bugwiriye mu buzima bwe bwiyeguriye Imana. Mbese, Polikarupo yabaye umwe mu bera nyakuri b'ibirangirire b'ibihe byose, ku bijyanye no kugira ubuzima buzira amakemwa.

Muzi neza mu byo mwisomera, ko Polikarupo yapfuye ahorwa Imana. Ashaje cyane ku buryo atabashaga guhunga, kandi akabije kuba umunyakuri bitemerera undi kuba yamuhsisha maze akamuzira, yaritanze ubwe ngo yicwe. Ariko na mbere yo kwicwa, yasabye uruhushya rwo gusenga mu gihe cy'amasha abiri asabira bene Se bo mu Mwami, n'umutegeka, n'abanzi be n'abamwishe. Nk'abera bakomeye b'ibihe byose, bashaka umuzuko uruta indi, yarihanganye, yanga kwhakana Umwami, maze apfa aticira urubanza. Ashyirwa hejuru y'inkwi (ari we ubyisabiye, ntiyaboshhywe) maze baramutwika. Umuriro witaza umubiri we, wanga kumukoraho. Hanyuma, bamusogotesha inkota. Ako kanya, amazi adudubiza mu rubavu rwe maze azimya ibirimbi by'umuriro. Babona umwuka we umusohokamo neza usa n'inuma y'umweru.

Nyamara ubwo buhamya bwiza ntibwitaweho. Uyu mwigishwa w'intumwa Yohana ntiyarwanyaga ubunikolayiti, kuko we ubwe yari ahengamiye ku idini, adahishurirwa ko ikifuzo ke cyo gusabana n'icyagaragaraga nk'umugambi mwiza wo korohereza umurimo w'Imana byari mu by'ukuri umutego w'umwanzi.

Si ko byari bimeze kuri Irene. Uyu we yarwanyaga idini uko riri kose. Ubuzima bwe, ubwo yakoreyemo

Umwami, bwarangwaga no kwigaragaza kenshi k'Umwuka Wera, kandi yigishaga Ijambo ry'urugero rwihariye rw'Umucyo n'urwo gusa n'amahame y'umwimerere Yaryo.

Amatorero ye mu Bufaransa yari azwiho kugira Impano z'Umwuka; mbese, abera bavugaga mu ndimi, barahanuraga, bazuraga abapfuye bakanakiza abarwayi ku bw'isengesho ryo kwizera. Yabonaga akaga ku buryo bwose bw'ishyirahamwe rya kinyedini mu bakuru, mu bashumba, n'ibindi. Yarengeye bikomeye itorero rye ryuzuye ubumwe, ryuzuye Umwuka kandi rikagaragaza impano. Kandi Imana yamuhyae icyubahiro, kuko imbaraga zigaragazaga mu bera.

Yari anafite imyumbire isobanutse y'Ubumana. Ndetse, nk'uko yari umwigishwa wa Polikarupo, na we yari umwigishwa wa Mutagatifu Yohana, tuzi ko yahawe inyigisho itunganye kuri ibyo. Abapadiri barwanya ibyabereye i Nikeya, igitabo 1, urupapuro 412, kitumenyesha ibikurikira, ibyo cyaba cyarakoze ku bijyanye n'Ubumana: "Izindi mvugo zose na zo ni ibyitiriro by'umuntu umwe; Umwami w'imbaraga, Uwiteka, Data wa twese, Imana ishobora byose, Isumba byose, Umuremyi, Umwubatsi, n'ibindi, si amazina ni ibyitiriro by'urusimburane rw'abantu batandukanye, ahubwo ni iby'umuntu umwe." Avuga yeruye ko izi mvugo ari ibyitiriro gusa, nk'Iroza rya Sharoni, Inyenyeri irabagirana ya mu gitondo, Uhebuje ubwiza mu bihumbi icumi, n'ibindi. Kandi hari Imana imwe rukumbi. Izina Ryayo ni Umwami Yesu Kristo.

Bityo dushingiye ku buryo akomeye cyane ku Ijambo, ku gusobanukirwa kwe gutangaje kw'Ibyanditswe, no ku kugaragara kw'imbaraga z'Imana mu murimo we, ni we toranya ryiza ry'igihe tuvuga. Mu by'ukuri birababaje ko mu bindi bihe bitagize mu ntumwa zabyo gutungana kw'imbuto nk'uko, kw'imbaraga n'uko kuyoborwa mu Mwuka Wera no mu Ijambo.

SIMURUNA

Umurwa wa Simuruna wari uri mu Majyaruguru ya Efeso ho gato, ku nkengero z'ikigobe cya Simuruna. Icyambu cyawo kiza cyane cyawugiraga ihuriro ry'ubucuruzi rizwi kubera ibyo washoraga hanze. Wari unafite umwihariko kubera amashuri yawo y'Ikibonezamvugo, aya Filozofiya, ay'Ubuvuzi, ay'Ubushakashatsi, no kubera inyubako zavo nziza. Habaga Abayuda benshi, abarwanyaga byimazeyo ubukristo; baburwanyaga no kurusha Abaroma. Mbese Ummepisikopi wa mbere wa Simuruna, yishwe n'Abayuda ahorwa Imana, kandi havugwa ko Abayuda batesheje agaciro umunsi wabo wera (isabato) mu kwikorera inkwi zo kumutwikisha.

Ijambo "Simuruna", rishaka gusobanura "Igisharira", kandi rikomoka ku ijambo "myrrhe (ishangi)". Ishangi ryakoreshwaga mu gusiga abapfuye. Izina ry'icyo gihe rifite rero ibisobanuro bibiri. Cyari igihe gisharira, cyuzuye urupfu. Imizabibu ibiri yari iri mu Itorero yarushagaho kugenda itandukana, kandi umuzabibu w'ikinyoma wagendaga urushaho gusharirira umuzabibu w'ukuri. Urupfu ntirwari gusa imbuto y'umuzabibu w'ikinyoma, ahubwo rwari no mu muzabibu w'ukuri, uburema no kubura imbaraga byaracengeraga, kuko bari baragiye kure y'ukuri gutunganye kw'ibihe bya mbere byari byarakurikiye Pantekote. Nyamara, nta mwizera w'ukuri n'umwe wakomera birenze uko akagira ubuzima n'imibereho by'Umwuka birenze ubumenyi bwe n'uburyo yihambiriye ku Ijambo ritunganye ry'Imana. Tubona ingero nyinshi zabyo mu Isezerano rya Kera. Idini ryihutaga mu gukura, icyahamyaga kandi kigakwiza urupfu rw'abanyamuryango, kuko bafashaga hasi ubuyobozi bw'Umwuka Wera bagasimbuza Ijambo imyizerere ya kimuntu, inyigisho n'imihango bya kimuntu.

Ubwo Isirayeli yagiranaga n'isi amasezerano atemewe n'Imana, bakaba barigize bamwe mu gushakana, bageze igihe isi iba ari yo ibategeka maze Babuloni ijyana ubwoko bw'Imana mu bunyage. Nyamara ubwo bajyanwagaho iminyago, bari bafite abatambyi, urusengero n'Ijambo. Ariko ubwo bagarukaga, bari bafite abigisha, gahunda ya gitewolojiya y'abafarisayo, isinagogi n'inyigisho zikomeye. Kandi ubwo Yesu yazaga, bari barangiritse ku buryo yavuze ko bari aba se Satani, kabone nubwo bari bene Aburahamu mu buryo bw'umubiri. Muri iki gihe, turabona ibyo bibaho. Nyamara, nka "Isirayeli yose" si yo Isirayeli, ariko itsinda rito ni ryo ryari rigize Isirayeli yo mu buryo bw'Umwuka, nk'uko hajyaga kubaho itsinda rito ry'Abakristo nyakuri, Umugen'i wa Kristo, kugeza igihe Azagarukira gushaka Abe.

Muri uwo murwa hariho insengero ebyiri z'ibirangirire. Rumwe rwari urusengero rwashyiriweho kuramya Zewusi, naho urundi rukaba rwari rwarashyiriweho Siberi. Izo nsengero zombi zahuzwaga n'umuhandwa warushaga indi ubwiza wa kera cyane: inzira isize zahabu. Ku bwange ibi ni ugukomeza gukura k'Upupagani bwari bwaramaze gutangira mu gihe cya mbere, ariko kubaho kwayo kwari kuzwi i Roma honyine. Ihuzwa ry'insengero zombi z'ikigirwamana n'ikigirwamanakazi ni imbuto yo kuramya Mariya, kwita Mariya nyina w'Imana maze kukamuha icyubahiro, ibyitiriro n'ububasha bimugira uhwanye na Yesu Kristo. Inzira isize zahabu izihuza yerekana gukunda ifaranga kwateye abanyedini b'Abanikolayiti bahuza itorero na Leta, kuko bari bazi ingano y'ubutunzi no gukomera bashoboraga kubikuramo.

Nk'uko igihe cya Efeso cyari cyarabaye imbbe z'igihe cy'urupfu cya Perugamo cyajyaga kuzaza bitinze, icky gihe cya Simuruna cyari imvura, izuba n'intungamubiri zagaburiraga ububore bw'ikirenga bwajyaga gushora Itorero mu kuramya ibigirwamana, ari ko ubusambanyi bwo mu mwuka, icky itorero ritari riteze kuzikuramo. Urupfu rwari rwarariceneye uhereye mu mizi ukageza mu mashami, kandi abagiraga uruhare mu itorero bagiraga uruhare mu busharire no mu rupfu.

Iki gihe cyatwaye imyaka kuva 170 kugeza ku wa 312 nyuma ya Yesu Kristo.

INDAMUTSO

Ibyahishuwe 2:8:

"Dore ikivugwa n'uwa mbere akaba ari na we w'imperuka, uwari warapfuye, none akaba ari muzima."

"Uwa mbere ni na we w'imperuka, uwari warapfuye, none akaba ari muzima." Aya si amagambo y'umuntu. Umuntu usanzwe (iyo ajya kubasha kuvugira mu mva) yari kuvuga ati: "Ndi uwa mbere kandi nkaba n'u'imperuka, uwahoze ari muzima, akaba yarapfuye." Ikintu cya mbere kiba ku muntu, ni uko avuka (ariho), kandi icya nyuma kimubaho, ni uko apfa. Uvuga hano rero si umuntu. Ni Ubumanu. Umuntu (Adamu) yafashe ubuzima maze abuhinduramo urupfu. Ariko uyu Muntu (Yesu) yafashe urupfu maze Aruhinduramo ubuzima. Adamu yafashe ubuziranenge maze abuhinduramo ubunyacyaha. Uyu (Yesu) yafashe ubunyacyaha maze Abuhinduramo gukiranuka. Adamu yafashe Paradizo maze ayihinduramo ubwigunge bw'iminiho iteye ubwoba, naho Uyu agaruve no guhindura isi yanyeganyeje kandi igasenywa no kurimbuka kugira ngo ibe Edeni nshya. Adamu yafashe ubuzima bw'ubusabane n'umunezero hamwe n'Imana maze abuhinduramo ubutayu bw'umwijima w'icuraburindi ryo mu mwuka wateje icyaha cyose, guta agaciro, uburibwe, imibabaro, gutenguhwa no kwangirika birwanya ubugingo bw'abantu. Naho Uyu yakuye mu rupfu no mu gusubira inyuma byica byari byuzuye mu bantu ubuzima bwo gukiranuka kandi bw'ubwiza, kugira ngo nk'uko icyaha kimitswe n'urupfu, abe ari nako n'abantu bimikwa no gukiranuka, babikesha Umwe rukumbi, Yesu Kristo; ariko Impano Ye ihabanye n'icyaha, nubwo cyari kibi cyane, ariko mbega ukuntu irushijeho kuba nziza, impano Ye itanga Ubugingo bw'Iteka.

Kandi nguwo, Agendera hagati y'abo yacunguye ndetse no mu Itorero Rye. Ese abo Yacunguye ni bande? Ese si benshi kuruta abo Pawulo yishe cyangwa yayobeje? Ese si benshi nka ba bajura bicwaga n'abari barashimuse kandi bakica n'abantu? Bose bacunguwe ku bw'Ubuntu Bwe. Bose bavanywe mu bapfuye, bose BASUBIZWA UBUGINGO mu Mwami Yesu Kristo.

Ndibaza niba mwaritegereje indamutso yahawe igihe cya mbere, kandi niba mwarabonye iyahawe iki gihe. Mubishyre hamwe: "dore ibivugwa n'Ufashe inyenyeri indwi mu kiganza Ke k'iburyo, Ugendera hagati y'amatorero. Dore ibivugwa n'Uwa mbere akaba ari na We w'imperuka, uwari yarapfuye, akaba Yarazutse." Ni Umuntu umwe rukumbi kandi udahinduka. Atumenyesha ko Itorero ari Irye. Nk'uko akabuto k'urubuto kari imbere muri rwo, ni nako na We, Imbuto ya Cyami, ari hagati mu Itorero. Nk'uko akabuto konyine karimo ubuzima, ni nako Abereye Itorero isoko y'Ubugingo.

Aragendagenda, bisobanura ko Aryitaho adacogora. Ni umushumba w'ikirenga wita ku Be. Ni uburengazira Bwe, kuko Yacunguje Itorero amaraso Ye Bwite. Ayo Maraso ni amaraso y'Imana. Nyiri Itotero ni Imana, Imana Ubwayo. Ni uwa mbere Akaba n'u'imperuka." Icyo kitiriro kivuga iteka. Yari yarapfuye, kandi ni muzima. Kuko Yishyuye ikiguzi, ni We wenyinge nyiri urusengero rw'Imana. Ni We urutegeka. Ni we ururamirizwamo. Afite impungenge ko hagira ufata Umwanya w'Umwami n'Ubutware Bwe. Nta gushidikanya ko ariyo mpamu ari kuburira abantu no mu kubakomeza Yiyerekana muri buri gihe ko ari Imana. Akaburira umuzabibu w'ikinyoma, Akanakomeza umuzabibu w'ukuri. NI WE WENYINE MANA Y'UKURI ISHOBORA BYOSE. Mumutege amatwi mubeho.

IKIRANGA IGISEKURU

Ibyahishuwe 2:9:

"Nzi amakuba yawe n'ubukene bwawe, (ariko rero uri umutunzi), n'uko utukwa n'abiyita Abayuda nyamara atari bo, ahubwo ari ab'isinagogi ya Satani."

Mu bigaragarira buri wese, urufunguzo rw'iki gisekuru ni amakuba. Ni igihe cya mbere cy'abagize amakuba, mu gihe cya kabiri hari amakuba ateganiwe, kandi y'ubukana bwisumbuye. Bidashidikanywaho aya magambo ya Pawulo areba urusange rw'Abakristo, utitaye ku bari mu isi no ku bihe by'Itorero byose.

Abaheburaho 10:32-38:

"Ariko mwibuke iminsi ya kera, uburyo mwihanganiraga imibabaro y'intambara nyinshi mumaze kuvirwa n'umucyo, ubundi mugahinduka ibishungero mugatukwa mukababazwa, ubundi mugasangira imibabaro n'abagirirwa batyo. Kuko mwababaranaga n'imbohe, mukemera munezerewe kunyagwa ibantu byanyu, mumenye yuko mufite ibindi mwabikiwe birusha ibyo kuba byiza bizahoraho. Ni uko rero ntimate ubushizi bw'amanga bwanyu mufite ingororano ikomeye. Kuko mukwiriye kwihangana kugira ngo nimumara gukora ibyo Imana ishaka, muzahabwe ibyasezeranije. Haracyasigaye igihe kigufi cyane, kandi uzaza ntazatinda. Ariko umukiranutsi wange azabeshwaho no kwizera. Nyamara nasubira inyuma, umutima wange ntuzamwishimira."

Ku bwo kuba byonyine barifatanije n'abizera nyakuri, abantu b'umutima mwiza bashobora rwose kwiturwa urupfu aho bagize neza.

Hano, Umwami Imana ishobora byose iravuga iti: "NDABIZI." Nguyu Agendera hagati y'ubwoko Bwe. Nguyu, Umushumba w'ikirenga w'umukumbi. Mbese Abuza akarengane? Mbese Ahagarika imibabaro? Ashwi, nta na busa. Yishimira kuvuga Ati: "Nzi amakuba yawe, sinibagirwa imibabaro yawe." Mbega ibuye risitaza kuri benshi! Nka Isirayeli, bibaza niba Imana ibakunda by'ukuri. Imana ishobora ite gukiranuka no kuba Yuzuye urukundo, mu gihe Yigumira hariya yitegereza ubwoko Bwayo bubabara? Ni cyo kibazo babazaga, muri Malaki 1:1-3:

"Ijambo ry'Uwiteka yahanuriye Abisirayeli aritumye Malaki. Narabakunze, ni ko Uwiteka avuga. Nyamara murabaza muti : 'Wadukunze ute ? Uwiteka ati Esawu ntiyari mukuru wa Yakobo se ? Ariko rero nakunze Yakobo Esawu ndamwanga, imisozi ye nyihindura amatongo, gakondo ye nyiha imbwebwe zo mu kidaturwa."

Murabona, ntibashoboraga gusobanukirwa urukundo rw'Imana. Batekerezaga ko urukundo rwashakaga kuvuga kutababara. Batekerezaga ko urukundo byari ukuba nk'uruhinja rwitaweho n'ababyeyi barwo. Ariko Imana ivuga ko urukundo Rwayo ari urukundo "rutoranya". Igihamya cy'urukundo Rwayo, ni ugutoranya : ibibaho byose, urukundo Rwayo rware ruhamijwe nuko bari baratoranirije agakiza (kuko Imana yabatoranirije agakiza mu kwezwa k'Umwuka no kwizera mu kuri). Ishobora kubagabiza urupfu nk'uko yabikoreye Pawulo. Ishobora kubagabiza imibabaro nk'uko yabikoreye Yobu. Ni Uburenganzira Bwayo. Irigenga. Ariko ibyo byose bifite intego. Iyo ijya kutagira intego, yakabaye isoko y'iterabwoba aho kuba isoko y'amahoro. Intego Yayo, ni ukugira ngo nitumara kubabazwa akanya gato dutunganywe, dushyirweho, dukomezwe kandi turemeshwe. Nk'uko byavugwaga na Yobu, "Idushyiramo imbaraga." (Yobu 23 :6b) murabona, We ubwe yarababaye. Yigishijwe kumvira n'imibabaro Ye. Yashyizwe hejuru Agera ku gutunganywa abikesha imibabaro Ye. Abaheburayo 5 :8-9 :

"Nyamara nubwo ari Umwana w'Imana, yigishijwe kumvira ku bw'imibabaro yihanganiye, kandi Amaze gutunganywa rwose, Abera abamwumvira bose umuhesha w'agakiza kadashira."

Mu mvugo yumvikana, imico bwite ya Yesu yatunganijwe n'imibabaro. Kandi, nk'uko bivugwa na Pawulo, Yasigiye Itorero Rye ingano nto y'imibabaro, kugira ngo na bo, ku bwo kwizera Imana kwabo, bamubarizwe, bagere ku gutungana. Kuki Yashakaga ibyo ?

Yakobo 1 :2-4 :

"Benedata, mwemere ko ari iby'ibyishimo rwose nimugubwa gitumo n'ibibagerageza bitari bimwe, mumenye yuko kugeragezwa ko kwizera kwanyu gutera kwihangana. Ariko mureke kwihangana gusohoze umurimo wako, mubone gutungana mushyitse mutabuzeho na gato."

Kuki Itabigiramo uruhare ?

Impamu iri mu Baroma 8 :17-18 :

"Kandi, ubwo turi abana Bayo turi n'abaragwa, ndetse turi abaranwa na Kristo niba tubabarana na We ngo duhanwe ubwiza na We. Mbonye yuko imibabaro y'iki gihe idakwiriye kugereranywa n'ubwiza tuzahishurirwa."

Niba tutabarana na We, ntuzashobora kwimana na We. Dukwiye kubabara kugira ngo tuzabashe kwima. Impamu nuko udashobora kurema imico utabanje kunyura mu mibabaro. Imico ni ukunesha, si impano. Umuntu utagira imico ntashobora kwima, kuko imbaraga zitagira imico, ari iza Satani. Ariko imbaraga zifite imico zishoboye kwima. Kandi ubwo Ashaka ko dusangira intebi Ye y'Ubwami, nk'uko We yaneshje akicarana na Se ku ntebe Ye y'Ubwami, rero natwe, tugomba kunesha kugira ngo twicarane na We. Kandi imibabaro y'igihe gito twihanganira ubu ntikwiriye kugereranywa n'ubwiza buhebuje buzahishurirwa muri twe igihe Azazira. Yoo, mbega ubutunzi buhishiwe abiteguye kwinjira mu Bwami Bwe banyuze mu makuba menshi!

"Mwe gutangazwa n'ikome ryo kubagerageza riri hagati yanyu ngo mumere nk'abagushije ishyano."

Ngibyo ibyo Petero yavugaga. Mbese ni ukugusha ishyano ko Imana ishaka ko twiremamo imico isa n'iya Kristo, iyo tubona inyuze mu mibabaro? Oya, mugenzi. Kandi twese dufite ibigeragezo. Twese turageragezwa, kandi tugahanwa nk'abana. Nta n'umwe utanyuramo. Itorero ritababazwa, ritageragezwa, nta torero ririmba: si iry'Imana.

Abaheburayo 12:6:8 :

"Kuko uwo Uwiteka akunze ari we ahana, kandi akubita ibiboko abo yemera bose ko ari abana Be. Ariko niba mudahanwa nk'abandi bose, noneho muba muri ibibyarwa mutari

abana nyakuri."

Kandi, iyo miterere yihariye ya Simuruna igomba gukoreshwa muri buri gihe. Nta gihe na kimwe kitarebwa na yo. Nta mwizera nyakuri n'umwe utarebwa na yo. Ituruka ku Mana. Ni ubushake bw'Imana. Birakenewe. Birakwiye ko Umwami atwigisha ukuri, ko tugomba kubabara maze tukabona gusa na Kristo mu mubabaro. Urukundo ntirurambirwa, rwuje ubugwaneza.

Matayo 5:11-12:

"Namwe muzahirwa ubwo bazabatuka bakabarenganya, bakababeshyera ibibi byinshi babampora. Muzanezerwe, muzishime cyane kuko ingororano zanyu ari nyinshi mu Ijuru, kuko ariko barenganje abahanuzi ba mbere."

Ikirere k'ibicu n'imiraba y'ubuzima si ikimenyetso cyo kutemerwa n'Imana, habe ngo n'ikirere k'izuba n'amazi atuje byaba ikimenyetso cyo gukundwa no kwemerwa na Yo. Ni mu MUKUNDWA honyine Yemerera uwo ari we wese muri twe. Urukundo Rwayo ruratoranya; Yari irudufitiye mbere y'uko isi ishyirirwaho urufatiro. Mbese Iradukunda? Yoo yego. Ariko tubibirwa n'iki? Turabimenza kuko Yabivuze, Ikanaba yaradukundaga mu kutwigarurira no kuduha Umwuka Wayo, Ikatugira abana. None ni gute nayigaragariza urwo nyikunda? Mu kwizera ibyo Yavuze, no mu kwitwara mu munezero hagati mu bigeragezo Yemera ko bibaho biturutse mu bwenge Bwayo.

"Nzi ubukene bwawe (nubwo uri umukire)".

Turahagurutse. Mumwitegerezze Agenda kandi Agaruka hagati mu Itorero Rye. Nka Se, Yitegerezze umuryango We. Ni We mutware w'urugo Rwe. Ni We utugenera. Ni Umurinzi. Kandi Ibona aho bicwa n'ubukene. Yoo, mbega umwizera utarakomezwa neza ukuntu abitsitaraho! Ni gute Imana yashobora kwhanganira kureba Abayo bari mu bukene maze ntibishyireho iherezo, Itange gusa maze Ibacunshumurireho ubutunzi bw'ibifatika bwose?

Ni aha bikwiriye kongera kwizera, urukundo, ubugwaneza n'ubwenge bw'Imana. Ngicyo kandi ikintu cya ngombwa. Mwibuke umuburo Wayo: "Ntimukiganyire mutekereza iby'ejo, ibyo muzarya cyangwa ibyo muzambara. So azi ibyo mukeneye. Uwambika umwangange akanagaburira inyonu azabakorera ibiruta. Ibikenewe by'ibanze nyakuri mu buzima bwanyu si ibyo bintu bifatika, kuko ubuzima bw'umuntu butabarirwa mu byo atunze. Ahubwo mabanze mushake Ubwami bw'Imana no gukiranuka Kwayo, ni bwo ibikenewe byose mu buryo bufatika muzabyongerwa."

Ubwoko bw'Imana ntibwubakiye ku bifatika. Bwubakiye kuri Kristo. Ntibashakisha ubutunzi bwa hano mu isi, ahubwo bashaka ubwo mu ijuru. Ni ukuri kudakuka, abensi mu Bakristo si abakire. Ahubwo bari mu kiciro cy'abakene. Ni uko byahoze mu gihe cya Yesu. Byari ukuri igehe cya Pawulo, kandi byakagombye kuba ukuri uyu munsi. Yoo, mbese uyu munsi si ukuri na ko, kuko igisekuru cya Lawodokya ari igisekuru cy'ubutunzi bukomeye aho bashingira k'ugusaga k'ubutunzi bw'isi kugira ngo uhamywe mu rwego rw'umwuka Yoo, mbega ukuntu itorero rikize ku bintu. Ariko mbega ukuntu rikennye mu Mwuka. "Hahirwa mwebwe mukennye, kuko Ubwami bw'Imana ari ubwanyu. Ubwami bw'Imana SI ukurya no kunywa." Ntibufatika. Buri MURI twe. Imana ni Yo BUKIRE bw'umuntu, si mu iby'isi.

"Yoo", Umwuka arataka ati: "Ndabona ubukene bwanyu. Ndabona ibyifuzo byanyu. Nta cyo mufite gikomeye, niba hari icyo mufite, mwakwirata. Icyo mwari mufite mwaragicujwe. Mwarekuranye umunezero ibyo mwari mufite mubigurana imitungo y'iteka. Barabaseka. Barabasuzugura. Nta butunzi bw'ibifatika mugira bwo kurambirizaho. Ariko nyamara, muri abakire. Umutekano wanyu uri muri we Ubabereye ingabo ni ingororano ikomeye cyane. Ubwami bwanyu turacyabutegerezze. Ariko buzaza. Kandi buzaza Ubwami bw'iteka. Yego, nitaye ku bigeragezo byanyu n'amakuba yanyu. Nzi ukuntu bikomeye gukomeza. Ariko nzabyibuka byose igehe Nzagarukira kubashaka nk'Abange; ni bwo Nzabagororera."

Nyamara ibi ntibishaka kuvuga ko hariho ikintu runaka cyo kurwanya abakire; kubera ko, Imana ishobora gukiza umukire. Hariho abakire mu bana b'Imana. Ariko ifaranga rishobora kuba umutego atari gusa k'urifite, ahubwo no k'utarifite. Mu gihe cya mbere, Yakobo ntayaranguruye arwanya abatunzi ati: "Kwizera kwanyu mwizera Umwami wacu Yesu Kristo w'icyubahiro, ntiwake uko kurobanura abantu ku butoni." Hariya, abakene bageragezaga kuvuga neza abakire kugira ngo babafashe, aho kwizera Imana. "Ntimukabikore, ni ko Yakobo yavugaga. Ntimukabikore. Ifaranga si byose. Ifaranga si ryo gisubizo." Kandi na n'ubu, si igisubizo. Dufite ubutunzi burenze uko umuntu yabutekereza, kandi ibikorwa mu buryo bw'Umwuka bikaba bike. Si ifaranga Imana ikoresha. Ikorera mu Mwuka Wayo. Kandi uwo murimo w'Umwuka uza gusa mu mibereho yiyegeuriye Ijambo.

ISINAGOGI YA SATANI

Ibyahishuwe 2:9:

"Nzi uko utukwa n'abiyita Abayuda nyamara atari bo, nyamara ari ab'isinagogi ya Satani."

Dore umurongo uzaduha icyo gutekerezaho cyane, atari byonyine ko ibikubiyemo ari ibantu byihariye cyane, ahubwo kuko bizagaruka mu gihe kizaza mu myaka irenze igihumbi itaha.

Ibyahishuwe 2:9:

"Nzi amakuba yawe n'ubukene bwawe (ariko rero uri umutunzi), n'uko utukwa n'abiyita Abayuda nyamara atari bo, ahubwo ari ab'isinagogi ya Satani."

Dutangira, ijambo "Abayuda" ntirikoreshwa ku iyobokamana ry'ubwoko bw'Abayuda. Rikoreshwa ku muryango wa Yuda gusa, neza neza nka nge, navuga ko ndi Umunyayirilande ku bw'inkomoko. Bariya bantu bavugaga ko ari Abayuda b'ukuri, Abayuda nyakuri kuva bavuka. Bari abanyabinyoma. Nta bwo bari Abayuda habe mu ivuka habe no mu iyobokamana.

Niba ibi byose ari ukuri, none bari iki ? Bari ubwoko bwayobye bwari bugize igice k'Itorero. Bari ab'umuzabibu w'ikinyoma.

Ntibari ab'Itorero nyakuri, ahubwo ab'itorero ry'ikinyoma, kuko Imana ibitako ari "isinagogi ya Satani". Kandi, ijambo risobanura "Isinagogi" nta bwo ari rimwe n'irisobanura Itorero. Muri Bibiliya, "Itorero" risobanura "abahamagariwe gusohoka", cyangwa "abashyizwe ukwa bonyine hanze ya..." Uwo muri Zaburi avuga kuri izo ntore ati :

"Hahirwa umuntu UTORANYA kandi UKAMWIYEGEREZA, kugira ngo agume mu bikari byawe."

Zaburi 65 :4,

"Isinagogi" rishaka kuvuga "Iteraniro" cyangwa "Ikoraniro". Bishobora kuba ikintu kiza cyangwa kibi ; ariko ku bitureba ibi, ni ikintu kibi, kuko aba ikoraniro ryabo ritava ku Mana ahubwo kuri bo ubwabo. Yesaya yabavuzeho ati :

"Ahari bazaterana ariko SI NGE uzaba ubateranje : uzagukoraniraho wese azagwa ari wowe azize."

Yesaya 54 :15.

Kandi, nk'uko aba bidashidikanya bari bahabanye n'umuzabibu w'ukuri, igithe kimwe Imana izabarimbura.

Ariko kuki dufite abantu bivanze mu bigendanye n'Itorero, kandi biyita Abayuda ? Dore impamvu yabyo : nk'uko bari ababeshyi, bashoboraga kwiyitirira icyo bishakiye. Bashoboraga kuvuga icyo bishakiye bibwira ko ari ukuri, kandi bakabyubakiraho. Kandi muri icyo gihe, bashoboraga kubeshya babyohejwe no kwifusa kwinshi : Itorero rya mbere ntiryari rigizwe na bo bonyine, ndetse n'Abayuda bonyine, bari abagize umubiri We ba mbere ; intumwa cumi n'ebiyiri zari Abayuda, n'intumwa zakurikiyeho zari Abayuda cyangwa Abanyamahanga. Bityo, Niba abantu barahiraga ko ari Abayuda, byabaheshaga isumbwe no kwibwira ko ari bo bo ku nkomoko. Vuga ikinyoma. Gikomereho. Ibikorwa, amateka, nta cyo bivuze. Wishimire kubibwira abantu no kubibasubiriramo, kandi abantu bazagera aho babyemere.

Hari icyo mwashoboye kumva, aho ? Ese si umwuka umwe wuzuye mu itorero none ? Ese nta tsinda rihari rivuga ko ari ryo Torero ry'inkomoko kandi ry'ukuri, kandi ko ari nta handi agakiza kari uretse muri ryo ? Ntibavuga ko bafite imfungozo z'Ubwami, izo bahawe na Petero ? Ntibavuga ko Petero ari Papa wabo wa mbere, kandi ko yatuye i Roma, mu gihe ari NTA KIMENYESO CY'AMATEKA NA KIMWE kibihamya ? Kandi n'abahebuje abandi amashuri mu bayoboke baryo bizera ibyo binyoma byaryo. Isinagogi ya Satani ! Kandi niba Satani ari se, kandi akaba ari se w'ibinyoma, rero ntibitangaje ko abo mu isinagogi ye baba, na bo abanyabinyoma.

Nimufate igitekereo cyo gutuka Imana. Muri iki kidushishikaje, aba bantu bo mu isinagogi ya Satani ntibatukaga Imana gusa (nubwo ari nta cyo twabivugaho), ariko bacumuraga ku Itorero ry'ukuri. Nta gushidikanya. Nk'uko Kayini yatoteje kandi akica Abeli, kuko na we (Kayini) yari uw'umubi, kandi nk'abapfuye bahagaze b'idini rya kiyuda (Yesu yavuze ko ari aba se Satani bose) bagerageje kurimbura abakristo bo mu gisekuru cya mbere, turabona hano aka gatsiko kamwe (umuzabibu w'ikinyoma) kagerageza kurushaho kurimbura abizera nyakuri. Mu gisekuru cya kabiri. Uwo mwuka wa antikristo urakura.

Agatsiko kaseseye rwihihwa mu Itorero binyuze mu MIRIMO yako (ubunikolayiti) ntigatinya kumenyekana, ahubwo kishyira hamwe byeruye mu itsinda ryikoranje ubwaryo kandi rikarwanya Itorero ry'ukuri n'urwango rutihishira.

Noneho, iyo mvuga ko byari itorero antikristo ry'idini, ndabaha ukuri kw'amateka guhamirijwe. Itorero rya mbere ryabonywe i Roma (turahera amateka yaryo mu gihe cya Perugamo) ryari ryaramaze guhindura ukuri kw'Imana ikinyoma, mu kwinjizamo iyobokamana rya gipagani, n'amazina n'ibikubiyemo bya gikristo.

Mu gihe cya kabiri, ryari ryaramaze kuba iripagani cyane (rikavuga ko ari Itorero ry'ukuri) ku buryo Polikarupo yakoze urugendo rwenda kungana na mayilo igihumbi na magana atanu (Ibirometero 2500 -U, I), kandi yari ashaje cyane, aje kubingga ngo bagaruke. Ntibashatse kubikora. Bari bafite inzego n'idini rikomeye, kandi bari baravuye mu Ijambo mu buryo bwuzuye. Ngiyo rero isinagogi ya Satani yuzuye gutuka Imana, ikubiyemo imbuto z'imyigishirize ya kinikolayiti, kandi yari igiye guhinduka ikicaro nyakuri, cyangwa imbaraga z'idini rya Satani. Ibi ni ukuri kuzuye, kuko Ibyahishuwe 2:9b ntihavuga ko abo bantu ari ab'isinagogi ya Satani, ahubwo ko ARI ISINAGOGI YA SATANI.

Uyu mwuka wa antikristo si mushya. Si ikintu kije none aha, mu bihe by'Itorero. Urahari uhereye mu itangiriro. Kugira ngo usobanukirwe neza uburyo ukora, uburyo urwanya Imana n'uburyo utegeka itorero, muwitegereze uko wakoraga mu Isezerano rya Kera. Tugenzure uyu mwuka, uko wigaragazaga muri Isirayeli, yari isohotse muri Egiputa ngo ibe Itorero mu butayu.

Nk'uko Itorero rya mbere ryatangiye munsi y'umurimo utunganye w'Umwuka Wera, n'ibimenyetso, n'ibitangaza no kwigaragaza nk'ubuhanuzi, kuvuga indimi no kuzisobanura, ubwenge, kumenya no gukiza indwara, kimwe na byo, igihe cy'ubwoko bw'Abisirayeli, ubwo bavaga muri Egiputa, bari bayobowe n'Umwuka w'Imana, wigaragarizaga mu mpano. Ni Imana yayoboraga abantu. Mbese ni Yo yari Umwami wabo. Yari Umwami Data. Yitaga kuri Isirayeli nk'uko umugabo yita ku muryango we. Yarabagaburiraga, Ikabarwanirira, Ikaringaniza ingorane zabo kandi Igakemura ibibazo byabo. Yabitagaho ubudahwema. Bari ryo shyanga ryonyine Yari ibereye Imana by'ukuri. Ariko igihe kimwe, bitegereje ahabazengurutse maze babona Abafilisitiya n'andi mahanga yategekwaga n'abami. Byarabashishikaje, hanyuma bafata ikemezo cy'uko bakwiye ubutegetsi bwa kimuntu, maze bashaka kugira umwami. Nyamara, Imana Ubwayo yari igiye kubaha ubutegetsi bwa kimuntu ibinyujije mu Muntu ari We Mwami Yesu Kristo, maze barayitanguranwa. Satani yari azi umugambi w'Imana, ni yo mpamvu yashyize mu mitima y'abantu ikifuzo cyo gutanguranwa Imana (Ijambo).

Ubwo bavuganaga na Samweli basaba umwami, Samweli byabaye nk'ibimwishe ku buryo yumvise abaye nk'ubuze umutima. Imana yari yarayoboye ubwoko Bwayo inyuze muri uyu muhanuzi wayiyeguriye, uhamijwe n'Ibyanditswe, kandi uyu yiyumvaga mu marangamutima ko bamwanze. Yakoranje rubanda maze abingingira kudatera umugongo Imana yahetse nk'abana, Ikaba yari yarabahaye uburumbuke maze Ikabaha umugisha.

Ahubwo baratitiriza. Babwira Samweli bati : "Nta bwo wigeze utuyobora nabi. Ntiwigeze uhemuka kubirebana n'amafaranga. Wakoze ibishoboka byose ngo uturindire mu Ijambo ry'Umwami. Twishimiye ibitangaza, ubwenge, Imana itanga ikanaturinda. Turabyizera. Turabikunda. Kandi ndetse ntidushaka kubyivangamo. Ni uko gusa dushaka umwami utuyobora ku rugamba. Ariko, bidashidikanywaho, nitujya ku rugamba, turashaka ko abatambyi bajya imbere, maze Yuda agakurikira ; hanyuma tuzavuza impanda, tuzasakuza tunaririmbe. Ntitugendereye kugira icyo duhagarika na kimwe muri ibyo. ARIKO TURASHAKA UMWAMI UMWE WO MURI TWE WO KUTUYOBORA."

Hanyuma Imana ibwira Samweli iti : urabona, si wowe banze, ahubwo ni NGE banze, ni ubutegetsi Bwange banze."

Mbega ishyano ! Bari kure cyane yo kubona ko mu gusaba Imana kubemerera kuba nk'ab'isi, bari bayanze ; mbese, Imana yari yaraciye iteka ko ubwoko Bwayo bwagombaga kugenza mu buryo butandukanye n'isi. Si ab'isi, ntibasa n'isi, kandi ntibagenza nk'isi. Babambwe ku by'isi, n'isi yarabambwe kuri bo.

Abakorinto 6 :17-18 :

"Ni uko muve hagati ya ba bandi, mwitandukanye ni ko Uwiteka avuga, kandi ntimumakore ku kintu gihumanye. Nange nzabakira, kandi nzababera So, namwe muzambere abahungu n'abakobwa, ni ko Uwiteka ushobora byose avuga."

Murabona, itandukaniro rimwe rukumbi riri hagati ya Isirayeli n'andi mahanga yose, ko ryari Imana. Nushyira Imana iruhande, urasanga Isirayeli ibaye nk'irindi shyanga iryo ari ryo ryose. Samusoni amaze kwiyogoshesha imisatsi, yahindutse nk'undi muntu uwo ari we wese. Nushyira ku ruhande kuyoborwa n'Umwuka Wera, Itorero rirahinduka ISI GUSA, HIYONGEREYEHO IKIRANGO K'IZINA RY'IMANA. Isi n'Itorero biri mu rusengero rumwe, nk'uko Yakobo na Esawu bari basangiyie ababyeyi, ariko ni Umwuka w'Imana ubatandukanya.

Nta cyo bivuze kwiyita umukristo. Ibyo, nta we utabikora. Ni ukumenya ko ufite cyangwa udafite Umwuka w'Imana muri wowe, kuko ari nta Mwuka, uba uciwe, ntuba uri Uwe. Amina.

Vuba aha, nabajije umugore umwe niba yari umukirisito. Arambwira ati : "Uzamenya, mugenzi ko mpora ncana buji buri mugoroba." Ariko se ibyo byaba bihuriye he n'ibyo nari mubajije ? Kuba Umumetodisite, Umubatisita cyangwa Umupantekote, ibyo ntaho bihuriye na hato. Ni ukugira Umwuka Wera bitaba ibyo ukarimbuka.

Mwumve, uhereye mu ntangiriro, mu Itorero rya mbere, abantu batangiye kwiyumvira no gутekereza kugira ngo babone uko bagira icyo barusha Imana. Imirimo ya kinikolayiti yari itangiye kwigaragaza. Icyo itsinda ryishyizeho. Bagiye kure y'ikitegererezo k'Ijambo. Birahagije gusimbuza Ijambo rimwe gusa, maze ngo ubwo busabusa bw'umusemburo butubure irobe ryose. Ucumuye itegeko rimwe aba ayacumuye yose. Eva yasimbuze Ijambo rimwe gusa. Iryo rirahagije.

Iryo tsinda rigose Satani rimaze kwishyiraho, ryatangiye kwanga no kurwanya abizera nyakuri, bemeza batitirije ko ari bo (abo hanze) Torero ry'Imana.

Murebe uburyo idini ribyara urwango. Risenya ubusabane. Ribyara ubusharire. Ni cyo ishangi risobanura. Ni cyo cyari cyuzuye Simuruna : ubusharire. Umuzi wo gusharira uhumanya abantu benshi. Bityo, ni ko guhumana kugenda kurushaho kwiyongera kwinjiraga. Buri gihe cyaryaga ibisigazwa bya Simuruna.

Itorero rya Simuruna ryari riri kure cyane y'iry'umwimerere. Ryari ikimanyi. Ryari ikimanyi nk'uko Eva yari yarabigenje. Muhi ko ikimanyi gituruka ku kubangurira amoko abiri adahuye. Umusaruro nta bwo uba utunganye nk'uko umwimerere wari uri. Ni ikinyendaro. Mwumve, ubwo Eva yemeraga ko inyamaswa ivanga intanga yayo n'iye, yabyaye ikiremwa kitwa Kayini, utari umuntu utunganye. Yari, uw'UMUBI. Mwitegerezze uko yari atandukanye na Abeli. Mwitegerezze uko yari atandukanye na Seti. Yangaga Imana, Ntiyashakaga kumvira Ijambo, maze atoteza kandi yica umukiranutsi. Yizamura hejuru y'Ijambo ry'Imana.

Itorero, na Ryo, ryavuye mu cyo ryari cyo mu ntangiriro. Ni ikimanyi. Ni ukuvuga ko Itorero ryo ku izina ari ikimanyi. Abantu bavuga bati : "Ndi Umubatisita." Mu ntangiriro, si ko byari bimeze. "Ndi Umumetodisite." Mu ntangiriro siko byari biri. Mu kimbo k'Ijambo ry'Imana ritunganye, aho kugira mu Itorero abantu buzuye Umwuka kandi bayoborwa n'uguishurirwa gutangwa n'Umwuka, ubu dufite imyizerere, amahame n'ubushakashatsi bw'abantu bize. Amashuri yasimbuye uguishurirwa. Gushyira mu gaciyo byasimbuye kwizera. Za gahunda zasimbuye guhimbaza bitunguranye by'Umwuka Wera. Mu ntangiriro, si ko byari biri. Ubwoko bwose bwarahindutse. Ryahindutse Itorero ry'ikimanyi.

Nyamara rero, iyo Itorero rihindutse ikimanyi, ese ryazabyara aba Kristo batunganye ? Nta byo ryashobora. Ubuzima cyangwa imbuto itera kubyara abakristo ntiba muri bo Ubwoko bwose bwororoka bukurikije ubwoko bwabwo. Abatisita babyara abandi Batisita, bitwara nk'Abatisita. Abametodisite babyara Abametodisite, bitwara nk'Abametodisite. Nta n'umwe muri bo uzwi ku bwo kugira imbaraga z'Imana, nta byo bashobora kuko izo mbaraga ari ntazihari. Bazwi ku bikabyo by'uburyo baramyamo Imana, ku bw'imyizerere n'amahame byabo.

Muravuga ku kimanyi! Kirusha ibindi kumenyekana mu isi? Kiri kumwe natwe uhereye kera cyane: ni inyumbu. Ni ikimanyi k'indogobe n'ifarashi. Ni inyamaswa iteye amatsiko. Ntishobora kororoka. Nta buzima ifite bwabishobora. Arikoy kuvuga ku birebana n'umurimo! Ikora birenze iby'ifarashi n'indogobe. Arikoy mwitegerezze kamere yayo. Ni ikinani, kandi nta wayigirira ikizere. Ni ishusho itunganye y'idini ry'ikimanyi. Uruvange rw'umwijima n'umucyo, kuko ifarashi ari urugero rw'umwizera nyakuri, naho indogobe ikaba ihagarariye umwizera ukiranirwa. Muvange byombi, maze mubone idini ry'ingumba, ry'irinyamihango. Ntirifite imbuto y'ubuzima. Ryarapfuye. Rivuga ku kuri, arikoy ntirishobora kugukurikiza. Imana ntiririmo, kandi bateranira kuvuga ku Mana, boroherwa no guhakana imbaraga Zayo. Bahakana Ijambo Ubwaryo mu Izina ry'Uwiteka. Kandi ntibateze kuzagira ibyiringiro. Mwari mwabona ko ari nta dini ryari ryagira ububyutse? Nta na rimwe! Kuva aho babereye idini, barapfuye. Ntibateze kuzazuka. Oya, mugenzi. Nshobora kubibereka mu ngero.

Mu Kuva 13:13:

"Kandi uburiza bw'indogobe bwose uzabucunguze Umwana w'intama, kandi nudashaka kuyicungura uzayivune ijosi, kandi imfura z'abantu, iz'abahungu bawe uzazicungure."

Murabona, indogobe ishobora gecungurwa. Umunyabyaha wese ashobora gecungurwa n'igitambo kiva amaraso cya Yesu Kristo, cyangwa niba yanze Kristo, ni we ubwe uba yiyanze. Arikoy ntibacungura inyumbu. Nta gecungurwa kwayo kubaho. Nta maraso yayo abaho. Ntibishoboka, kuko inyumbu ibonera ubuhungiro mu Itorero, mu gihe indogobe ibonera ubuhungiro mu maraso. Inyumbu ntigira "Imbuto" muri yo yashobora kugira ubuzima, arikoy indogobe, yo, ifite imbuto.

Mwumve, hashize ibyumweru bike gusa, nasomaga ijambo ry'ibanze ry'ikinyamakuru. Yego, ryari ijambo ry'ibanze ryanditswe n'umucuruzi udakijijiwe, bitanyuze ku Mukristo. Yavugaga ko amatorero yamubeshyaga. Ntiyashoboraga kuyasobanukirwa. Yari afite za seminari zuzuye abarimu bigishirizaga Ijambo ry'Imana kurisenya. Kandi uwo muntu ntibashaga kubyiyumvisha. Byaramutangazaga. Yavugaga ko yashoboraga gusobanukirwa abahakanamana bonyine, abakomunisite, abigenga b'ibitekerezo cyangwa abandi bantu babikore. Arikoy Itorero Ubwaryo gusenya Ijambo ry'Imana byanganaga n'ubwicanyi bugambiriwe. NGIRYO IDINI RYANYU RY'IKIMANYI. AMERIKA, KANGUKA BITARABA IMPITAGIHE!

Iyo Itorero rigiye kure y'Ijambo riba ryiteguye kwizera icyo ari cyo cyose. Ni nka Eva. Mu ivuka rya

Kayini, yaravuze ati: "Mpeshejwe umuhungu n'Uwiteka." Murumva ko yabitekerezaga by'ukuri? Yatekerezaga ko yaheshejwe umuhungu n'Uwiteka. Murabona, amaze gushukwa mu kwakira Ijambo rya Satani mu kimbo k'Ijambo ry'Imana, yatekerezaga ko ibyo yavugaga byose byari ukuri. Niba yaravugaga ko yari afite umuhungu uturutse ku Mana, rero yari afite umuhungu uturutse ku Mana. Ariko Imana yashyizeho amategeko mu isanzure Ryayo. Imbuto nziza yera urubuto rwiza gusa, kandi imbuto mbi yera urubuto rubi gusa. Nyamara izo mbuto zombi, nubwo zitandukanye, zikoresha ubutaka bumwe, bitungwa na bimwe, ubuhehere bumwe, izuba rimwe, zizororoka buri yose ikurikije ubwoko bwayo. Mwitegerezze amateka y'umuryango wa Kayini ayo yaje kubayo. Mwitegerezze amateka y'umuryango wa Seti ayo yaje kubayo. Hari itandukaniro rimwe gusa hagati yabo bombi: imbuto y'umwimerere. Nta kindi.

Nimugenzura neza iyi mvugo ya Eva, muzabona ko yarushaga abandi gusobanukirwa ku buryo batabitekereza. Ntiyitiriye Satani uwo muhungu, icyajyaga kureshyeshya Satani n'Imana. Imana yonyine ni yo yashoboraga kurema intangangore mu nda ya Mariya. Satani ntiyari kubishobora. Eva yari abizi. Satani ashobora gucurika ibintu gusa. Yamuyobesheje imbuto mbi. Ni imbuto y'inzoka yabyaye Kayini. Ni imbuto ya Adamu yabyaye Abeli na Seti. Izo mbuto zanyuze mu buryo bumwe, ariko abana bari batandukanye kuko baturutse mu mbuto zitandukanye.

Yizeraga ko Kayini yaturutse ku Mana. Yemeye ikinyoma cya Satani nk'ukuri kw'Imana. Neza neza ni byo dufite ubu. Amatorero yihamya ko ari yo soko y'ukuri, ariko ukuri ntikuyarimo; nyamara, abana babyawe na yo barahira mu mazina yayo bakageza no kwica barengera amafuti yabo.

Niba mutekereza ko ibyo ari ugukabya, musome 2 Timoteyo 3 yose n'imirongo itanu yambere y'igice cyakane.

2 Timoteyo 4:1-5:

"Ndagutongerera mu maso y'Imana no mu ya Kristo Yesu uzaciraho iteka abazima n'abapfuye, ubwo azaboneka aje kwima ingoma ye. Ubwirize abantu Ijambo ry'Imana ugire umwete mu gihe kigukwiriye no mu kitagukwiriye, uhane, uteshe, uhugure ufite kwhanganana kose no kwigisha. Kuko igihe kizaza batazihanganira inyigisho nzima, ahubwo kuko amatwi yabo azaba abarya yifuza kumva ibibanezeza, bazigwiriza abigisha bahuje n'irari ryabo, kandi baziziba amatwi ngo batumva ukuri, bazayoba bakurikize imigani y'ibinyoma. Ariko wowe wirinde muri byose, wemere kurengana, ukore umurimo w'umubwirizabutumwa, usoheze umurimo wawe wo kugabura iby'Imana."

Ubwo Itorero ryihaga uburenganzira bwo kujya kure y'umwimerere, nk'uko Adamu na Eva babikoze, urupfu rwarinjiye. Nta mbaraga na busa rigifite. Ryahindutse ighindugembe.

Uhereye ako kanya ubwo Itorero ryerekezaga ku mihango, no ku butambyi, bakagira ababwirizabutumwa itsinda ryiyobora aho kuyoborwa n'Umwuka Wera n'Ijambo, urupfu rwahise rwinjira, maze Itorero rirarwara. Mu kurwara, ryahindutse itsinda ry'abantu ritagira imbaraga, iryari risigaranye intwaro imwe gusa ari yo y'amagambo. Nta cyo ryashoboraga gukora mu Mwuka, kuko ibyiringiro byaryo byari bishingiye kuri za gahunda, atari ku kwizera Ijambo Ryayo. Nk'uko bari barabibye za gahunda, basaruraga za gahunda. Nk'uko bari barabibye kugorama, basaruraga abana bagoramye.

Iyo ushatse kugaragura Imana, usurura neza neza icyo wabibye. Umuntu yakagombye kubyigishwa n'ibidukikije. Yagaraguye ibidukikije. Yabibye ibitekerezo bye bwite mu bidukikije, ahindagura uturemangingo, n'ibindi; none rero, asarura umuyaga usenya. Muge kureba uko borora inkoko, uko bagenda "bazibangurira mu buryo bwa kijyambere," babonye imashini zitera amagi zizaba zitakibasha gutera. Ntiziribwa, zikabije korohera. Si ibyo kurya byiza. Batera imiti mu nyama turya, maze iyo miti igatera ihindagurika ry'umubiri w'umuntu: amatako y'abagore agahombana hanyuma intugu zabo zikagara; naho abagabo, ni ighabane. Nyamara, iyo tugaraguye ibidukikije, tubona ibihundugembe n'ingaruka z'imiriro, bizagenda bite niba bahinduye ukuri ikinyoma? Igisubizo, ni uko tuzabona idini rya Antikristo, kure y'Imana, rigorame ku buryo ritazasa n'iry'umwimerere kandi ntiritange bimwe n'iry'umwimerere. Igisubizo k'Imana kimwe rukumbi ku kibazo nk'icyo ni inyanja y'umuriro.

Ni cyo gihe kibabaje cya Simuruna cyasambaga. Kimaze gupfa, nticyazutse. Nta gihe kigeze kigaruka. Nta bubyutse bwigeze bugaruka. Ntigishobora kugira muri cyo ubuzima bw'Imana mu kubyarwa gusanze. Tugomba kubyarwa n'Imana. Iki gihe cya nyuma cyatangiranye n'imiriro y'ububyutse bwa Pantekote, hanyuma bisubirira bitaziguye mu idini. Aho gufata Ijambo, bifatiye ibitekerezo byabo bwite, maze bakora neza neza ibyo ibindi bisekuru byakoze: bashimbuje Ijambo icyabo gitabo. Mugendere kure ibivugwa muri icyo gitabo, hanyuma muzabona ibizaba. Bazabaca, bene Data. Kandi bazabatoteza, babyitirira Imana. Kandi nk'uko bakunda idini ryabo. Nta bwo bitangaje. Ni Abapantekote bo mu rwego rwa kabiri, kandi nk'uko Imana itagira abuzukuru, ni abana ba ba se gusa, bazwi ku bw'imihango yabo n'uburyo bwabo bwo kuramya. Bashobora kuvuga ku cyo bari bafite mu gihe cyashize, ariko ntibashobora kukigaragaza. Mbere, bari bafite umurabyo, naho ubu, icyo basigaranye, ni uguhinda kw'inkuba. Ariko, nibababwira ubwiza bw'idini ryabo, bazavuga bati: "Yego, mugenzi, menya ko iri atari idini ryatangijwe n'umuntu. Byarizanye. Umwuka yamanukiye mu isi hose. Yego, mugenzi, dufite icyo bari bafite ku munsi

wa Pantekote. Nticyari kivuye ku bantu, ahubwo ku Mana." RERO, KUKI BATABIKOMEJE BATYO? NIBA ARI IMANA YABITANGIJE, NI GUTE IMANA ITASHOBOYE KUBIRINDA NO KUBISOHOZA? Niba Imana itarigeze yandika igitabo k'imyizerere, amahame n'inyigisho mu kugitangiza, ni ubuhe burenganzira, bo, bafite bwo kubikora?

Imana yasutse Umwuka Wayo ku Batisita, Abametodisite, Abanyenazareti, Abadivantisite, Abaperesibuteriyani, bene data, abo mu matorero y'Imana (ni menshi ayitwa atyo), n'andi. Abo bene Data bose bari bararerewe munsi y'inyigisho zitandukanye, amahame atandukanye, ibitabo by'itorero bitandukanye, n'ibindi. Imana yakubuye ibyo byose. Yarimbuye ubucurabwenge bwabo bw'ibihe maze Isubizaho Impano z'Umwuka, Ihamba ko uko yari iri ejo ari ko Ikiri none n'iteka ryose. Arik mbese abo Bapantekote babonye isomo kubirebana n'idini? Oya, mugenzi. Basubiye bitaziguye mu idini, biyandikiye ibyabo bitabo byo kwigishirizamo, amahame yabo ibitabo byabo, icyabo gitabo gikubiyemo amatorero ya kivandimwe, n'ibindi, bafite mu mitwe igitekerezo kimwe rukumbi: ico kwerekana ubu ko bafite ukuri kose, ko bazi ibisubizo byose, kandi ko ari bo nkoramutima z'Imana, zizi inzira zikanashobora kuyereka abandi, kuko ari bo bayobozi bashyizweho n'Imana. Arik ntibagifite. Bigize ibihindugembe nka ya matsinda bari baravuyemo. Niba bashaka kuba Umogeni, bagomba kuzasohoka, neza, neza nk'uko abababanjirije babigenje.

Bameze nk'abandi bose. Ububyutse bwararangiye. Bagerageza gusigara ku izina, kandi barapfuye. Bemeye idini, bakinakomeje kuvuga Umwuka w'Imana. Bavuga ibihamba ko bafite Umwuka Wera. Arik bakibagirwa ko Satani na we, ashobora kuvuga mu ndimi. Urujiro rwuzuye rwa Babeli ruri hagati muri bo, maze bakabyita Umwuka w'Imana. Bundi bushya, tubonye umuntu ategeka Imana, aho kuba Imana itegeka umuntu.

Wenda mwaba mwagashatse kuncyaha ku bw'ibyo maze kuvuga. Ni byiza cyane. Biyita ko ari Abapantekote kandi b'Ubutumwa Bwiza Bwuzuye. Nibabyerekane. Ku munsi wa Pantekote, Umuriro waje mu gicu maze wigabanya kuri buri wese muri bo nk'indimi, hanyuma umanukira buri wese. Umuriro uri he? Ku munsi wa Pantekote, bavuze mu ndimi, kandi abantu bumvaga barasobanukirwa. Babifite he? Abizera benshi bose bitwaraga nk'umuryango umwe. Abapantekote na bo bacitsemo ibice nk'irindi tsinda iryu ariryo ryose mumateka. Nta muntu n'umwe watinyukaga kwijyana mu Itorero rya mbere, ahubwo ni Imana yonyine yongeraga abakizwa. Bo, bafite muri bo amasekurume y'ihene kimwe n'andi matsinda ayo ari yo yose. Bavuga ko ari ab'Ubutumwa Bwiza Bwuzuye, arik ntibashobora kubyerekane. Amatorero yabo na yo nta mbaraga agira kimwe n'itsinda iryu ari ryo ryose. Niba bo ari ab'Ubutumwa Bwiza Bwuzuye, rero byarushaho kuba byiza twemeye ko Bibiliya yibeshye mu kwerekana abantu b'Ubutumwa Bwiza Bwuzuye ku munsi wa Pantekote. Bararirimba: "guhinduka gukomeye kwarakoretse muri nge." Bari mu kuri. Arik ntikwari ughinduka mu bintu. Iki ni cyo gihe cyo kugarukira Imana.

Basigaye ku izina gusa, nyamara barapfuye. Ukuvuga mu ndimi si ikimenyetso cy'ububyutse. Ni ikimenyetso cy'urupfu. Kuvuga mu ndimi cyari ikimenyetso ko idini ry'ubwibone ry'Abayuda ryari ryarangiye, ko ibihe bishya byari byatangiye. Muri ibi bihe, kuvuga mu ndimi kumanurira urusika ku bihe by'itorero ry'abanyamahanga, hanyuma Ubutumwa Bwiza bugasubira mu Bayuda. Abantu bavuga ko kuvuga mu ndimi gutegura ububyutse bukomeye. Bahushije intego. Ukuri, ni uko ari ikimenyetso k'iherezo ry'ibitekerezo, gahunda y'ubwami bw'abantu bwose, hanyuma Ubwami bw'Imana bugatangizwa. Kanguka, bwoko bw'Imana. Kanguka.

Niba mutekereza ko atari ukuri, mwumve ibi. Mu isi hose, mu matsinda ya gipantekote uko amatsinda akomeza amategeko, bashyiraho amashyirahamwe y'abikorera. Bigabije igicaniro ari nta muhamagar w'Imana bafite. Bigize abarobyi b'abantu n'abashyizeho urufatiro rw'ububyutse bw'Imana, maze bakavuga ko umurimo w'Abefeso 4:10-13, iyi mpano Imana yahaye Itorero, yananiwe, kandi ko, ku bw'ibyo, baziba icyuhu. Twirebe neza neza mu isohozwa ry'ububanuzi, ry'ico bita uwivumbagatanye bwa kera, kandi ntibananbona ko ari bo bashohoje ubwo buhanuzi. Bakomeza gihumyi kubwiriza imyitozo yabo nk'ukuri. Imana ibagirire imbabazi. Amaso yabo ahumuke bitari byaba impitagihe. Yoo, nimuntege amatwi. Ni ryari ugukomezwa n'ifaranga, icyubahiro ubushobozi mu mirimo cyangwa ubushobozi mu by'ubwenge byashoboza umuntu kuba umuyobozi mu by'Umwuka, cyangwa ni ryari ibyo bintu byahaye agaciro ariko kose Ijambo ry'Imana? Kandi kuva aho ibantu cyangwa indangagaciro za kimuntu zitangiriye, mu buryo runaka, gufatwa nk'uburyo bwo gukora bw'Imana, aho kuba Umwuka Wera KANDI WE WENYINE, ubwo tuba turwanya Imana, aho kuba mu ruhande Rwayo.

Nonaha ndashaka kwerura ibi neza hano: sindwanya habe na busa kugira abakuru mu rusengero. Oya, mugenzi. Kandi uwo mukuru ashobora kuba akennyne nk'undi muntu uwo ari we wese wigeze gukena, cyangwa iyo ari we urushije bose kuba umukire mu isi, ik'ingenzi ni uko aba umukuru mu umutima n'ibikorwa. Sinashidikanya by'ukuri kwimika umuntu wujuje ibyangombwa by'umwuka by'umukuru cyangwa by'umudiyakoni, tutitaye ku butunzi bwe cyangwa ku cyubahiro ke. Arik iyo tubonye hinjira mu Itorero inzego z'ubusumbane mu cyubahiro no mu mafaranga birema ibice mu bantu mu buryo bumwe cyangwa ubundi, si iby'Imana. Byongeye kuba ikimenyetso k'igihe, muri iki gihe cya Lawodikiya turimo, igihe gikize ku bintu, arik gikennye mu by'Umwuka.

"Nzi ubukene bwawe." Mwaba mwarabonye ko ubukene bwabo bufitanye isano n'isinagogi ya Satani, muri uyu murongo nyine? Yego, ni idini ritunze kandi rikomeye ryikubiye ubutunzi bwose kandi rihora ryigizayo abantu boroheje bakorera Imana. Iyo umwuka w'Imana akorera mu mitima y'abantu? Ibihe byose, ni umukumbi muto uhomba, mu nyungu y'amadini akomeye. None ni he abantu bajya hanyuma? Bateranira mu mazu, mu madepo ashaje no mu mazu yo munsi y'ubutaka, nk'uko babigenzaga iyo bajyaga mu mva za katakombe.

Abo bantu bari abakene mu bintu by'iyi si. Nta gushidikanya. Ariko bari abatunzi mu by'Umwuka.

"Nzi gusebanya kwabo." Igitekerezo hano si uko abo babeshyi batuka Imana, nubwo ari ibisanze. Ahubwo batuka Itorero ry'ukuri. Ni ko byahoze. Abayuda b'i Yerusalem batutse Itorero mu ntangiriro. Abaramya ibigirwamana byinshi b'abapagani ni byo bakoze. Iyo bashebeje umuntu, aba ari imbuto y'ukuri. Mu gihe cya Nero, Abakristo baregwaga guteza amakuba yose no gukongoka kwa Roma. Mu bihugu by'abakomunisite, umukumbi muto ni wo uhora uba uwa mbere mu kurimburwa, nubwo mu by'ukuri ari nta cyo uvuze ku bw'ingano yawo. Abakristo, nubwo ari abantu b'abagwaneza, n'indahemuka, bakora ibyiza gusa, bazahora babatoteza, kugira ngo babamareho.

Impamvu y'ibi, ni uko babereye abanduye igishinja. Bagaragara mu maso y'ababi nka ba rucyahana bakaze. Kandi nubwo abakiranutsi ari nta mugambi na busa bafite wo kugirira nabi ababi, ahubwo bakaba bashaka kubagirira neza gusa, nta kabuza bisanga bashyizwemo, nk'uko Yohana umubatiza byamugendekeye kwa Herode. Mbese Yohana ntiyashakaga kugirira nabi yaba Herode habe n'umugore we, ahubwo yashakaga kubakiza umujinya w'Imana. Ibyo ntibyateye gusa Yohana kutumvwa na busa no kurwanywa byuzuye, ahubwo byanamutwaye ubuzima. Kandi uwoko bw'Imana, tutitaye ku byiza byose bukora, buhora bukozwu isoni no kwicwa. Hagomba bidashidikanywaho kuba hariho imbaraga runaka zikoresha abantu ngo babure umutimanama kugeza ubwo bitura inabi uwabagiriye neza. Yego, izo mbaraga ziraho. Ni Satani. Igisubizo kiri mu murongo ukurikira.

IMYAKA ICUMI Y'UMUBABARO

Ibyahishuwe 2:10:

"Ntutinye ibyo ugiye kubabazwa. Dore Satani agiye gushyira bamwe muri mwe mu nzu y'imbohe kugira ngo mugeragezwe, kandi muzamara iminsi cumi mubabazwa. Ariko uge ukiranuka ugeze ku gupfa, nange nzaguha ikamba ry'ubugingo."

Igihe cyose Umwami akoresheje aya magambo ati: "Ntutinye", ni uko haba hagiye kubaho intambara bidatinze, izateza ibyago, imibabaro n'ubukene byinshi. Kandi Ntavuga mu buryo butaziguye, bweruye ati: "Umubabaro uraje." Ibyo byatera ubwoba. Avuga ahubwo nk'uko Umubyeyi w'umugore abigenza witegura kuzimya itara hanyuma akabwira umwana we atuje, kugira ngo amukomeze ati: "Ntutinye, hariya; itara rigiye kuzima, maze hijime. Ariko wibuke ko turi kumwe." Bityo Aravuga ati: Ntimutinye abantu cyangwa icyo bashobora kubatwara. Ndi kumwe namwe, kandi ubuntu bwange burabahagije. Nimunyura mu migezi ntizabatembana. No murupfu, ntimuzaneshwa. Muri abaneshi no kurushaho."

Pawulo, intumwa ikomeye, yari azi ku bw'inraribonye ukuri kw'ayo amagambo, maze yandika mu Baroma 8:35-39:

"Ni nde wadutandukanya n'urukundo rwa Kristo? Mbese ni amakuba, cyangwa ni ibyago, cyangwa ni ukurenganywa, cyangwa ni inzara, cyangwa ni ukwambara ubusa, cyangwa ni ukuba mu kaga, cyangwa ni inkota?"

Nk'uko byanditswe ngo: 'turicwa umunsi ukira bakuduhora, twahwanijwe n'intama z'imbagwa.' Oya, ahubwo muri ibyo byose turushishwa kunesha n'uwendukunze, kuko menye neza yuko naho rwaba urupfu cyangwa ubugingo, cyangwa abamalayika cyangwa abategeka, cyangwa ibiriho, cyangwa ibizaba, cyangwa abafite ubushobozi, cyangwa uburebure bw'ighagararo, cyangwa uburebure bw'ikigepfo, cyangwa ikindi cyaremwe cyose, bitazabasha kudutandukanya n'urukundo rw'Imana ruri muri Kristo Yesu Umwami wacu."

Oya, nta cyo tugomba gutinya. Urukundo Rue rwirukana ubwoba bwose.

Mwitegerezze icyo Yavuze hano ati: "Satani azashyira muri gereza bamwe muri mwe, kugira ngo mugeragezwe." Ni cyo Abayuda bakoraga muri icyo gihe. Ni cyo abatambyi b'abapagani bakoraga muri icyo gihe. Nk'uko rubanda rwakundaga ibisa n'imikino bakinaga n'inyamaswa, abategeka, bageragezaga kunezeza rubanda, bishe ibihumbi n'uduhumbagiza tw'Abakristo kugira ngo batanyaguzwe n'intare n'abarwana n'inyamaswa z'inkazi. Ni irihe sano Satani afitanye n'ibyo? Kuki twamushyiraho ikosa? Aha, yego, ariko ni urwango rwa Satani rwihihe inyuma yabyo. Ni we uri inyuma y'ibyo byose, kuko yanga Imana. Icyo Imana ishyizeho umutima, Satani nta kabuza azagerageza kugisenya. Ariko mwitegerezze, dore kuri ibyo umucyo uruseho. Niba Satani ari inyuma y'Abayuda bajyana Abakristo imbere y'inkiko, rero Abayuda si abo mu idini ry'Imana, ahubwo iry'umwanzi. Ikoraniro ryabo, na ryo, ni isinagogi ya Satani. Kandi niba itorero Gatolika ry'i Roma ryarishe imbaga y'abizera mu gihe cy'umwijima, yego, no mu bihe

byose, rero na bo, ni ab'umwanzi, kandi ni aba Satani.

Kandi niba mutekereza ko bibasitaje, mutegereze gusa ko ubuhanuzi bw'Ibyahishuwe 13 busohora. Ukuri guhamye, Leta Zunze Ubumwe z'Amerika ziri muri iki gice. Umubare 13 ubwawo ni ikimenyetso k'iryo shyanga. Ryatangiranye na Leta 13. Ibendera ryaryo rifite inyenyeri 13 n'imirongo 13. Kandi iherezo ryaryo ni hariya riri, mu gice cya 13. Igishushanyo bavuga muri icyo gice kizaba gifite ubugome bwose bw'ijo nyamaswa yayibanjirije. Nk'uko inyamaswa yishyize hejuru mu nama y'i Nikeya, ni nako igishushanyo kizigaragaza mu nama mpuzamadini, cyuzuye imbaraga za Satani, kugira ngo kibabarische uburakari bw'umwanzi, umuzabibu nyakuri w'Imana. Bizaba isubiramo ry'uburiganya n'ubwicanyi bw'umwanzi.

Abarwanya abacira Imana bugufi, baseka kandi basenya, nibabikore. Kandi bazabikora. Kandi ibyo byose mu Izina ry'Imana n'iry'idini yabo. Ariko ntibibuza ko bababeshya. Si ab'Imana. Ni aba se Satani. Ibikorwa byabo, byaba birwanya UWO ARI WE WESE, byerekana abo baribo mu by'ukuri. Reka bakore idini maze bange umukumbi muto. Bazarushaho guhishurira bose mu buryo busobanutse ko ari aba Satani. Ni umuzabibu w'ikinyoma, umuzabibu wica. Urwango rwabo rugaragaza abo ari bo. Itorero Antikristo rya Kinikolayiti, ngabo abo ari bo.

"Bazajugunyuwa mu nzu y'imbohe." Yego, bajyanwa mu nkiko, bashinjwa ibinyoma, bagacirwa imanza kandi bagafungwa. Kandi nta gushidikanya, ibyo byose bikorwa mu izina ry'idini, umuco n'ubutungane butatiwe. Ibyo byose bibwira ko ari byiza. Ibyo binyibutsa ikemezo cy'urukiko rw'ikirenga ku isengesho no gusoma Bibiliya mu mashuri. Ni nde uri inyuma y'ibyo? Ni Satani. Si ikindi uretse agashashi gashya karwanya Imana.

"Muzababazwa mu minsi icumi." Dore ubuhanuzi. Byongeye, ni uburyo bwo kwerekana ingano y'ubuzima bw'igihe cya Simuruna. Diyokeresiyani, uwarushaga ubwicanyi abandi bami b'abami bose, yahagurukirije abera b'Imana iterabwoba ryajyaga kurimbura abizera bose, iyo hatajya kuba impuhwe z'Imana. Ryari itotezwa rirusha ayandi kumena amaraso mu mateka yose, kandi ryamaze imyaka cumi (Iminsi cumi y'Ibyahishuwe 2 :10b), uhoreye muri 302 kugeza muri 312.

"Uge ukiranuka uzageze ku gupfa." Ntavuga ati : "kugeza ku gupfa kwawe", ahubwo " kugeza ku rupfu". Birashoboka ko wagomba guhamirisha ubuhamya bwawe amaraso yaye. Abantu ibihumbi, ndetse na za miliyoni, barapfuye uko ibihe byagiye biha ibindi. Bapfiriye mu kwizera. Nka Antipa, umuhamya ukiranuka, nta bwo bita ku buzima bwabo kugeza mu gupfa. Kenshi twibwira ko byatubera ibidashoboka guhorwa Imana. Gusa mutekereze ko kwizera tugukoresha buri munsi kugira ngo tuneshe muri Yesu Kristo ariko kwizera kumwe kwashyigikiye ba Polikarupo n'abahowe Imana bose. Ukwizera kw'ikirenga kuzatanga ubuntu bw'ikirenga mu gihe k'ikirenga. Imana ishimwe iteka ryose

"Kandi nzaguha ikamba ry'ubugingo." Kuko ikirahure cy'amazi afutse gitanzwe mu Izina ry'Umwami kitabura guhesha ingororano, mbega ukuntu ingororano y'umuntu uzaba yarapfiriye Izina ry'Umwami Yesu izaba ikomeye. Dushobora wenda kugira igitekerezo gito tugereranya iri kamba n'ikamba bahabwa mu irushanwa.

Mu 1 Abakorinto 9 :24, Pawulo aravuga ati :

"Ntimizi yuko mu birori abasiganwa biruka bose, ariko ugororerwa akaba umwe ? Namwe abe ariko mwiruka kugira ngo mugororerwe."

Bagororera uwatsinze isiganwa rya Olempiki ikamba ry'umushumi ugizwe n'amashami y'umwerayo. Ariko ikamba rivugwa hano mu Byahishuwe, bagororera uwahowe Imana, ni ikamba ry'Ubwami. Yesu aryita ikamba ry'ubugingo. Ikamba ni iry'abarwanye, irindi ni iry'abitanz. Yombi ni amakamba atangirika. Ntazasaza. Abatsinze isiganwa ry'ubuzima bwo muri iyi si, bazaba baratakaje kera umunezero wo gukomerwa amashyi n'isi. Icyubahiro cy'ab'isi kizashira. Ariko abaha Imana ubuzima bwabo, byaba intambara yabo ya buri munsi, cyangwa bamena amaraso yabo nk'igitambo, nk'ikamba ry'ubuzima bwabo, bazahabwa Ikamba ry'Ubugingo.

Mu by'ukuri ntidukoresha igihe gihagije mu gukorera ingororano ihoraho y'Imana. Ntitwigera dutekereza bihagije ku ngororano y'Imana. Niba twizera ukuri kw'izuka ry'umubiri n'ingoma ihoraho y'ukuri, rero twakagombye kwirundaniriza ubutunzi mu Ijuru buzahabwa abera bakiranutse.

INGORORANO Y'ABANESHA

Ibyahishuwe 2 :11 :

"Ufite ugutwi niyumve ibyo Umwuka abwira amatorero. Unesha nta cyo azatwarwa n'urupfu rwa kabiri."

Hano, Umwuka yongeye kubwira ibihe byose by'Amatorero. Ubu Butumwa bwagenewe kudukomeza none, nk'uko bwakomeje bene Data bo mu bindi bisekuru byose. Kandi butubwira ko tutazagira icyo

dutwarwa n'urupfu rwa kabiri.

Tuzi twese ko urupfu rwa kabiri ari inyanja y'umuriro.

Ibyahishuwe 20:14:

"Urupfu n'ikuzimu bijugunywa muri ya Nyanja yaka umuriro. Iyo Nyanja yaka umuriro ni yo rupfu rwa kabiri."

Nta gushidikanya, ibi bivuga ko abari bahari bose bajugunywa mu Nyanja yaka umuriro. Arikohariya, nifuzaga kugira icyo mbereka. Nta gushidikanya hazavugwa amagambo ku nyigisho zange zidasanzwe. Arikompagaze hano, mu butware bw'Ijambo ry'Imana, kandi mpakana ko umutizera ajya mu muriro w'iteka aho azashya iteka ryose.

Icyambere, ikuzimu, cyangwa inyanja y'umuriro, cyangwa izina iryo ari ryo ryose wayiha, si iy'iteka. Yashobora ite kuba iy'iteka, niba yaragize itangiriro? Muri Matayo 25: 41, havuga ko: "umuriro w'iteka wateguriwe Satani n'abamarayika be." Kandi niba warateguwe, ufite itangiriro. Niba waragize itangiriro, rero ntushobora kuba uw'iteka. Nta gushidikanya, mushobora gukomeza gusitara ku bisobanuro by'ijambo "iteka". Arikoiryo jambo risobanura: "ibihe biha ibindi." Kandi rifite ibisobanuro bitandukanye. Muri 1 Samueli 3:13-14, Imana yabwiye Samweli ko yari igiye gucira urubanza rw'iteka inzu ya Eli, kandi ko "by'iteka" batayaga kongera gutamba ibitambo nk'abatambyi. Kandi muri 2 Abami 2:27 Salomo yambuye imirimo y'ubutambyi abakomoka kuri Eli ba nyuma. Bari nk'igisekuru cya kane uvuye kuri Eli. Bityo, murabona ko "ik'iteka" ntibihura n'iteka ryose", ikitigeze kigira itangiriro habe n'iherezo. Hano muri iki gihe, ijambo "ik'iteka" risobanura "kugeza birangiye". Ni byo neza byabaye: byararangiy.

Mwitegerezee ijambo "kurimbuka" mu 2 Batesalonike 1:9: Bazahanwa igihano kibakwiriye ari cyo "kurimbuka" mu kigiriki risobanura guhinduka ubusa. Kandi ijambo "kurimbuka" ntirisobanura kwangirika. Mbese, "kwangirika" bivugwa ku kintu kigenda gisaza buhoro buhoro. None guhinduka ubusa by'iteka byaba bisobanura iki? Ntibisobanura guhinduka ubusa buhoraho, byaba bingana no "kwangirika" bikareka kuba kurimbuka." Bisobanura kurimbura kugeza ku iherezo. Gushyiraho iherezo.

Noneho, mushobora kwibaza igihe twashobora gukoresha ijambo "iteka", mu yindi myumvire itari iyo batwigishije. Bivoroshye. Iyo ryerekeye ku Mana, risobanura kutagira itangiriro habe n'iherezo, kubaho ubuzira herezo. Kandi, iyo tuvuze Ubugingo Buhoraho, dutekereza icyo ubuzima bw'Imana ari cyo. "Dore gihama ni uko Imana yaduhaye Ubugingo Buhoraho, kandi ko ubwo Buggingo buri mu Mwana. Ufite Umwana afite Ubugingo."

Bityo, bonyine abana b'Imana ni bo bafite Ubugingo bw'Iteka, butigeze bugira itangiriro, arikobwahozeho. Ni byo. Noneho hari icyo mwifitemo k'Iteka kitagira itangiriro ntikigire n'iherezo. Ni Umwuka w'Imana. Ni igice k'Imana Ubwayo ni Ubuzima bw'Imana.

Kandi, Niba umunyabyaha agiye kujya ikuzimu no kubabara nk'uko mugiye kujya mu Ijuru no kunezererwa Ijuru, rero afite ubwoko bw'ubuzima bumwe n'ubwo namwe mufite.

Hanyuma hari abavuga ko Ubugingo bw'Iteka bungana no kubaho neza kw'abana b'Imana. Ni ukubaho neza kwabo, kugubwa neza kwabo, kurutaho. Umunyabyaha, uko biri kose agenda agana ku guhanwa kwe. Ibi biganisha kuguhindura urupfu rwa kabiri ikibazo k'igihano n'ahantu bajya. Ubuzima bw'Iteka, ni Ijuru, kandi igihano k'iteka ni Ikuzimu. Mwatungurwa no kumenya umubare w'abantu bazamuwe ku rwego rw'abanyatewolojiya babyizera. Arikomuzi icyo ibyo bikora? Bigira Ubugingo bw'Iteka ahantu runaka hazwi aho kuba umuntu. Ubugingo bw'Iteka, ni Imana: Umwami Yesu Kristo. Ni gute umuntu yashobora kwizera ikintu nk'icyo, ko Ubuzima bw'Iteka bwaba ahantu, dore ibindenga. Nteshwa umutwe no kubitekerezaho gusa.

Oya mugenzi. Hariho ubwoko bw'Ubugingo bw'Iteka bumwe gusa. Ni Imana ibufite. Niba dufite Imana, dufite Ubugingo Buhoraho muri Yo kandi ari Yo tubukesha.

Rero, murabona iryo jambo "iteka", cyangwa gihoraho rishobora kugira ibisobanuro byinshi, arikoiyo rireba Imana, Imana mu kuba icyo iri cyo, iri jambo rifite igisobanuro kimwe rukumbi. Ni ingano y'ubuzima bw'Imana. Muri iyo myumvire, nta handi ryakoreshwa. Imana yonyine ni Yo y'iteka, kandi nk'uko Iriho, tubana na Yo.

Ntihakagire uvuga ko ntemera inyanja y'umuriro n'igihano. Ndabyemera. Sinzi igihe bizamara, arikobizashiraho. Ibyahishuwe 2:8, haravugwa ko abanyabyaha bireba, bazabona umugabane wabo mu Nyanja y'umuriro. Arikogisobanuro kiza k'iryo jambo, si "umugabane", ahubwo ni "igihe". Murabona, hariya, murahari.

Rero, ababi bazajugunywa ikuzimu (Ikuzimu cyangwa Imva), kandi ikuzimu kuzajugunywa mu Nyanja yaka umuriro. Bazaba batandukanye n'Imana. Mbega ukuntu bizaba biteye ubwoba!

Arikosiuko bizaba bimeze ku bakiranutsi. Bo nta cyo bagomba gutinya. Bacunguwe n'Imana bari mu

gituza Cyayo. Nibo baneshi. None ni nde muneshi ? Ni uwizera ko Yesu ari we Kristo.

Umuneshi ni uw'iki, uwizera, azarokoka, kugira ngo yigendere mu Buggingo no kugubwa neza by'iteka ? Kubera ko Yesu yishyuye ikiguzi cyo kuducungura ku cyaha. Yasibye umworera wadutandukanya n'Imana, kandi twebwe abari kure, twagarewe rero n'amaraso.

Kandi ntibateze kuzacirwaho iteka. Ntibateze kuzajya muri iyo Nyanja y'umuriro. Ntibateze kuzarimbuka, kuko Atazagira n'umwe wo muri bo azimiza. Nta n'umwe wo mu bacunguwe uzagira ahandi aba uretse aho Yesu ari.

Mwaba muzi impamvu yabyo ? Ngiye kubaha urugero. Mfite umwana w'umuhungu : Yozefu. Ni urugingo rwange, uko byamera kose. Iyo nza kuba umukire, icyajyaga kurusha ibindi kuba kibi nashobora gukora cyaba icyo kutamuraga, ariko nta cyo nashobora gukora ngo mwihakane. Sinabishobora, kuko ari igice cyange. Neza, dukoreshe isuzuma ry'amaraso, tugereranye amaraso ye n'ayange. Isuzuma rizahamya neza ko Yozefu ari umuhungu wange. Ni uwange.

Ni isuzuma ry'amaraso rihamya ko uri cyangwa ko utari uw'Imana.

Sinaniwe kwibuka igihe naragiraga, ndi ku ifarashi, amashyo y'ubwoko bwa Hereford muri Colorado. Twagombaga kunyuza ayo matungo mu igenzura ry'ubutegetsi, kugira ngo tubone uburenganzira bwo kuyaragira mu nzuri za Leta. Ariko ntibemeraga ko itungo na rimwe ryinjira ridafite ikirango cy'amaraso ku gutwi. Ikirango cyahamyaga ko itungo ryari iring mu bwoko bw'umwimerere. Abashumba bayagenzuraga nta bwo bitaga ku bwoko. Barebaga gusa ko amaraso ari ay'umwimerere. Halleluya. Iyo amaraso yabaga ari ay'umwimerere, nta kabuza yabaga ari meza.

Muzi ko Imana yarebye hasi maze Ikavuga iti : "Ubugingo bukora icyaha buzarimbuka. Buzatandukana Nange. Ntibushobora kunyaegera. Tuzi twese ko bose bakoze icyaha bakaba badashyikira ubwiza bw'Imana. Bishaka kuvuga ko bose bapfuye, bose batandukanijwe n'Imana, kandi ko igihe kiri bugufi n'ubu buzima buke bukazazima cyangwa aho byose bizaba birangiye. Ariko Imana, mu rukundo Rwayo, yafashe inyamaswa maze Ifata ubuzima bwayo mu kimbo cy'ubuzima bw'umunyabyaha.

Mu Isezerano rya Kera, umunyabyaha yazanaga umwana w'intama. Yashyiraga ikiganza kuri uwo mwana w'intama, mu gihe umutambyi akegeta umuhogo w'umwana w'intama. Yawumvaga uva kandi akawumva uniha. Yumvaga umubiri wawo ugagazwa n'urupfu. Yabonaga umwotsi w'amaraso aminjagiwe ku gicaniro uzamuka ugana ku Mana. Yari azi ko umwana w'intama wagiye mu mwanya we. Yari azi ko ubuzima bw'umwana w'intama bwari bwaratambwe mu mwanya w'ubwe. Ariko ubuzima bw'uwo mwana w'intama bwari ubuzima bw'inyamaswa, kandi ntibwashoboraga kugaruka ku munyabyaha ngo bumutunganye. Yongera gutaha agifite ya nyota yo gukora icyaha. Yatahanaga ibyaha mu bitekerezo bye, kandi akagaruka gutamba igitambo cya cya cyaha umwaka ukurikiyeho.

Ariko si uko biri mu Isezerano Rishya. Umwana w'intama wacu upfa ni Umwana w'Imana watanze amaraso Ye ho impongano ya benshi. Mu kwizera, dutera intambwe tukarambika ibiganza byacu kuri uwo Mwana w'intama, turamubona, n'inguma Ze zivirirana, umugongo We washwanyaguritse, uruhanga Rue rwatobaguwe n'amahwa y'ubugome, turumva umubabaro We kandi tukumva Ataka ati : "Mana yange, Mana yange, ni iki kikundekesheje ?" Noneho ni iki cyabaye ? Ubuzima bwavuye mu karemango k'Amaraso kasandaye bukagaruka ku munyabyaha wihana. Ubuzima bwari muri We bwagarutse kuri twe. Twongere gutaha, noneho tutagifite inyota yo gukora icyaha, hanyuma tukanga imirimo n'irari by'umubiri.

Twirebe. Ubuzima bwacu ni iki ? Ni akaremango gato kava muri data. Umugore nta bwo atanga akaremango k'amaraso. Atanga igi, agasama inda. Ariko amaraso ava ku mugabo. Ni yo mpamvu umugore afata izina ry'umugabo. Abana bagafata izina rya se. Umugore amutwitira abana.

Ni byo byabaye mu gungurwa kwacu. Umwuka Wera yamanukiye kuri Mariya, maze abyara Umuhungu yise Yesu. Umuremyi ukomeye yaramanutse, maze Ahinduka Igitambo k'icyaha cyacu. Amaraso Ye yari amaraso y'Imana. Neza neza ni Cyo byari cyo. Ayo Maraso y'Imana yaramenetse, maze Umwuka amuvamo ubwo Yasambaga biteye ubwoba. Hanyuma, BWA BUZIMA BUMWE (UMWUKA) bwagarutse gutura mu munyabyaha wihana no kumubatura. Uwo munyabyaha ntiyagarukaga buri mwaka uko utashye, igitambo gikurikira ikindi, kuko bitari ngombwa. Ku bw'Igitambo KIMWE RUKUMBI yabatuwe burundi ku butware bw'icyaha, maze ahabwa ubuzima bwa Kristo bumuhaye kuba aganje, afite insinzi ku cyaha, isi.

Ni Imana yabikoze. Yakoze byose. Yarangururiye isi yari yaravumwe n'icyaha Iti : "Nzabaha ikimenyetso : umwari azasama inda. Umwari azasama kandi azabyara Umuhungu. Ngicyo Ikimenyetso cyanyu. Kizaba Ikimenyetso gihoraho. Uwo azabyara azitwa Imanweli, Imana iri kumwe natwe mu Mubiri usa n'uwacu."

Imana yamanukiye mu karemango k'amaraso, nta bwo yanyuze mu mugabo, ariko ku bw'Umwuka Wera, kandi muri iyo nda y'umwari haremwe iyo ngando yagenewe gupfa. Urubyaro rw'umugore rwazanywe no gukomeretswa ngo rutubonere agakiza. Ubwo Umwuka Wera yazaga kuri Mariya, yaremye

mu nda ye akaremango kajyaga kororoka kugira ngo kazahinduke Umubiri w'Umwami wacu. Ako karemango kararemwe. Ryari itangira ryo kurema kw'Imana. Dore uwo Yesu ari We. Kandi icyo kinyabuzima kera cyuzuye amaraso yera, amaraso y'Imana. Iyo ngando yaravutse. Yarakuze maze iba Umugabo. Maze ijya kuri Yorodani, aho icyo gitambo cyuhagiriwe na Yohana, mu ruzi rwitwa Yorodani. Ubwo icyo Gitambo kemewe n'Imana cyavaga mu mazi, Imana yaje gutura muri We, Imwuzuza Umwuka itamugeze. Kandi ubwo Yapfaga, yamennye amaraso Ye, ubuzima butunganye bw'Imana bwaratanzwe ngo bugaruke ku munyabyaha wajyaga kwakira Kristo nk'Umukiza we.

Yoo, mbega ngo biratangaza ! Yehova, wavutse, waririraga hejuru y'icukiro ry'amase. Yehova, wavukiye mu muvure wuzuye ibyatsi. Dore Ikimenyetso cyacu kizahoraho, ku birasi buzuye ubwibone, ingirwabanyabwenge bihangiye Tewolojiya yabo bwite maze banga ukuri kw'Imana. Yehova Imana, uruhinja rwaririraga mu kiraro kinuka. Hanyuma batekereza ko bafite uburenganzira bwo kwirata, bwo kwishyira hejuru, bwo kunegura no gukora nk'aho hari icyo bari cyo. Nguyu, Ikimenyetso cy'ukuri. Ni uriya, nyakuri. Yehova, wakinaga nk'umwana muto. Yehova wakoraga mu ibarizo. Yehova wozaga ibirenge by'abarobyi.

"Nzabaha Ikimenyetso", ni ko Imana yavuze. "Si ikimenyetso cy'abanyedini bambaye ikora ryera. Si ikimenyetso cy'ubukire no gukomera. Icyo Kimenyetso nta cyo muzagisangana gikurura abantu, cyangwa gikwiriye, ariko ni Ikimenyetso kizahoraho. Ni cyo Kimenyetso kiruta ibindi byose." Yehova, wahagararaga mu kibuga, Akomeretse kandi Avirirana wese, Afite amahwa mu ruhanga n'ibikororwa mu maso, bamuseka banamukwena. Yehova, wasuzuguwe kandi Wanzwe, Amanitswe yambitswe ubusa ku musaraba, mu gihe indyarya zamumwazaga kandi zimukabiriza ngo niyimanure ku musaraba. Yehova, wapfaga. Yehova. Yehova wasengaga, kandi ari nta cyo bimumarira. Hanyuma Yehova arapfa. Noneho ni cyo Kimenyetso ku bantu bose. Nta gisa na cyo. Ni Ikimenyetso gikomeye.

Rero, isi yashiyizwe mu icuraburindi. Bamushyize mu mva. Yagumyemo iminsi itatu n'amajoro atatu, kugeza ubwo umushyitsi w'isi uhungabanya ijoro ry'icyunamo maze Avamo. Yehova arasohoka. Yehova azamuka mu Ijuru. Hanyuma, Yehova yagarutse gutura mu Itorero Rye. Yehova yagarutse mu muyaga w'igihuhius n'ibirimi by'Umuriro. Yehova yagaruve no kugendera hagati mu Itorero Rye no kwambika imbaraga ubwoko Bwe. Indi nshuro, Yehova yaje, kandi kuri iyi nshuro, ni ukugira ngo Agume mu bwoko Bwe. Bo, bundi bushya, Yehova akiza abarwayi, Azura abapfuye kandi Yigaragariza mu Mwuka. Yehova yagarutse, Avuga mu ndimi kandi Atanga igisubizo mu kuzisobanura.

Yehova yaramanutse, maze Akiza ya ndaya ngo itazongera gukora ibyaha ukundi. Yamanukiye umusinzi wahindanye, wataye ubwenge muri ruhurura. Yego, Yehova yaje kwigaragaza mu mubiri no kwigaragaza Anyuze mu mubiri w'umuntu runaka. Yehova yaje- Imana muri twe, ibyiringiro by'ubwiza.

Yego, Yesu yazanywe no kumena amaraso Ye no kubohora imbohe. Yazanywe no gucungura intama Ze zazimiye. Yazihaye Ubugingo Buhoraho, kandi ntizitez kuzarimbuka. Mu Ze nta n'imwe izazimira, ahubwo Azazizura ku munsi w'imperuka.

Haleluya, urupfu rwa kabiri ntiruzabageraho. Nta ruhare na ruto rubafiteho. Kuko ari ab'Umwana w'intama, kandi aho Ajya hose baramukurikira.

UMWUKA WERA MURI BURI GIHE K'ITORERO

Ibyahishuwe 2:11:

"Ufite ugutwi niyumve ibyo Umwuka abwira amatorero."

Nta gihe k'itorero na kimwe uyu murongo utavuzwemo. Buri gisekuru gihabwa umuburo umwe wahawe abantu b'ibihe byose. "Ufite ugutwi niyumve icyo Umwuka avuga". Ariko ntibishoboka habe na busa ko abantu bose bumva icyo Umwuka abwira abantu b'ibihe bitandukanye.

1Abakorinto 2:6-16:

"Icyakora ubwenge tubuvuga mu batunganijwe rwose, ariko ubwo bwenge si ubw'iki gihe cyangwa ubw'abatware b'iki gihe bashiraho. Ahubwo tuvuga ubwenge bw'ubwiru bw'Imana ari bwo bwenge bwahishwe, Imana yaringanje ibihe byose bitarabaho ngo biduheshe icyubahiro. Mu batware b'iki gihe nta wabumenye, kuko iyo babumenya bataba barabambye Umwami w'icyubahiro. Ariko nk'uko byanditswe ngo: 'ibyo ijisho ritigeze kureba, n'ibyo ugutwi kutigeze kumva, ibitigeze byinjira mu mutima w'umuntu, ibyo byose Imana yabyiteguriye abayikunda. Ariko Imana yabiduhishurishiye Umwuka Wayo, kuko Umwuka arondora byose ndetse n'amayoberane y'Imana. Mbese ni nde mu bantu wamenya ibyo undi atekereza, keretse umwuka wa wa wundi umurimo. N'iby'Imana ni ko biri, ntawabimanya keretse Umwuka Wayo. Ariko twebweho ntitwahawe ku mwuka w'iyo si, ahubwo twahawe uwo Mwuka uva ku Mana kugira ngo tumenye ibyo Imana yaduhereye ubuntu, ari byo tuvuga ariko ntitubivugisha amagambo akomoka mu bwenge bw'abantu, ahubwo tubivugisha akomoka mu Mwuka, dusobanuza iby'Umwuka iby'Umwuka bindi. Ariko umuntu

wa kamere ntiyemera iby'Umwuka w'Imana kuko ari ubupfu kuri we, akaba atabasha kubimenya kuko bisobanurwa mu buryo bw'Umwuka. Ariko umuntu w'Umwuka arondora byose, nyamara ubwe ntawe umurondora. Mbese ni nde wigeze kumenya icyo Uwiteka atekereza ngo amwigishe? Nyamara twebwe dufite gutekereza kwa Kristo."

Matayo 13:13-16:

"Igituma mbigishiriza mu migani ni iki: 'ni uko iyo barebye batitegereza, n'ijo bumvise ntibasobanukirwe.' Ndetse ibyo Yesaya yahanuye bibasohoreye ngo: 'kumva muzumva, ariko ntimuzabisobanukirwa, kureba muzareba, ariko ntimuzabibona. Kuko umutima w'ubu bwoko ufite ibinure, amatwi yabo akaba ari ibihuri, amaso yabo bakayahumiriza, ngo batarebesha amaso, batumvisha amatwi, batamenyesha umutima bagahindukira ngo mbakize. Ariko amaso yanyu arahirwa, kuko abona, n'amatwi yanyu, kuko yumva!"

Yohana 8:42-44:

"Yesu arababwira ati: iyo aba Imana ari Yo yari So muba munkunze, kuko naje nkometse ku Mana. Sinaje ku bwange, ahubwo ni Yo yantumye. Ni iki gituma mutamenya imvugo yange? Ni uko mutabasha kumva Ijambo ryange. Mukomoka kuri so Satani, kandi ibyo so ararikira ni byo namwe mushaka gukora. Uwo yahereye kera kose ari umwicanyi, kandi ntiyahagaze mu by'ukuri kuko ukuri kutari muri we. Navuga ibinyoma, aravuga ibye ubwe, kuko ari umunyabinyoma, kandi ni se w'ibinyoma."

@Dushingiye kuri iyi mirongo y'Ibyanditswe, bigaragara neza ko ari nta muntu n'umwe washobora, ku bwe, kumva Imana. Birakwiye ko Imana imuha ubwo bushobozi.

Matayo 16:17:

"Yesu aramusubiza ati: 'Urahirwa Simoni wa Yona, kuko umubiri n'amaraso atari byo byabiguishuriye, ahubwo ni Data wo mu ijuru."

Mu guhuza iyi mirongo, tubona ko hari itsinda rimwe risa ry'abantu ryihariye, rifite ubushobozi bwo kumva ibyo Umwuka avuga muri buri gihe k'Itorero. Ni itsinda ryihariye, ryakira ihishurirwa rya buri gihe k'Itorero. Iri tsinda ni iry'Imana, kuko itsinda ry'abadashobora kumva atari iry'Imana (Yohana 8:42-44). Itsinda ry'abashobora kumva kandi bakumva ibyo Umwuka avuga, kandi bakabihishurirwa, ni itsinda rivugwa muri 1 Abakorinto 2:6-16.

Ni bo bafite Umwuka w'Imana. Ni bo babyawe n'Imana. Babatirijwe mu mubiri w'Umwami Yesu Kristo ku bw'Umwuka We. Babatijwe n'Umwuka Wera.

Dukomeza mu kerekezo k'ibyo tumaze kuvuga, kandi tunakoresha umurongo w'Ibyanditswe tugomba gukomeza mu bwenge iyo tuvuga kumenya uwabatijwe n'Umwuka Wera, murebe icyo Yesu avuga muri Yohana 6:45:

"Byanditswe mu byahanuwe ngo 'BOSE bazigishwa n'Imana'."

Ariko mufate Yesaya 54:13 aho uyu murongo wakuwe, kandi havuga ngo:

"Abana bawe bose bazigishwa n'Uwiteka."

BOSE b'Imana, ni ABANA Iki ni cyo gihamba cyo kuba umwana w'Imana nyakuri (uwo Umwuka yajeho kandi Atuyemo) cyongeye kugaragazwa n'uko wakira inyigisho y'Ijambo ry'Imana ku bw'Umwuka Wera.

Noneho mutangiye kubona ko kuvuga mu ndimi atari cyo gihamba ko mwabatijwe mu Mwuka Wera. Nta gihe na kimwe, havuzwe ngo: "Ufite ururimi navuge icyo Umwuka avuga." Ibi nta gaciro biha ukuvuga mu ndimi, ukuzisobanura, ubuhanuzi, n'ibindi, nk'igihamba. Igihamba, ni uko TWUMVA icyo Umwuka avuga. Umwuka aravuga. Yego, Umwuka arigisha.

Neza neza ni cyo Yesu yavuze ko Azakora igihe azazira.

Yohana 14:26:

"Ni we uzabigisha byose, abibutse ibyo nababwiye byose."

Kandi neza neza ni byo byabaye. Ni uko Ubutumwa bwanditswe. Abo bantu, ku bw'Umwuka Wera, bibukaga amagambo Yesu yari yaravuze. Ni yo mpamvu Ubutumwa buboneye. Buratunganye. Gusa Umwuka ntiyabibukije byose, ariko Yanabigishije birambuye ukuri bari basanganywe. Ni uko Pawulo yahawo ayo mahishurirwa. Yabivuzeho ati:

"Bene Data, ndabamenyesha ko ubutumwa bwiza navuze atari ubw'abantu kuko nange ntabuhawe n'umuntu kandi sinabwigishijwe n'umuntu, ahubwo ni Yesu Kristo

wabumpishuriye."

Abagalatiya 1 :11-12 :

"Yigishijwe n'Umwuka Wera."

Igihe kimwe, ubwo Yesu yari akiri mu isi, umuntu ukomeye yaje kumureba. Uwo muntu aravuga ati : "Mwigisha tuzi ko uri Umwigisha, Watumwe n'Imana." Ariko murabona ko Yesu yamurogoye. Yahindukiriye Nikodemus. Kandi twashobora gutondeka amagambo Ye dutya : 'SINDI Umwigisha. Ndi Umwana w'Intama w'igitambo k'ibyaha. Nshoboza kuvuka ubwa kabiri ku bw'Umwuka Wange. Ariko hari Uzaza ari we Mwigisha. Ni Umwuka Wera." Ubwo Yesu yari akiri mu isi, Yaje nk'Umwana w'Intama, kandi ari nk'Umuhanuzi. Ariko Agarutse ku Itorero Rye, Yahindutse Umwigisha.

Kandi twumva ukuri kumwe kubwirwa buri gihe k'Itorero : "Ufite ugutwi niyumve icyo Umwuka abwira amatorero." Ariko umuntu wuzuye Umwuka wenyine ni we ushobora kumva ihishurirwa ry'igihe ke. Nta wundi wabishobora. Oya mugenzi. Nta byo bashobora, kuko ari cyo neza neza Paulo yavuze mu 2 Abakorinto 2 :6-16.

Byakagombye kubanezeza. Hari inyigisho itangaje cyane kandi ibuza abantu kumvikana ikanababyukiriza amarangamutima. Ni uko iyo Abapantekote bavuga ko TUGOMBA kuvuga mu ndimi, bitaba ibyo ntitube twarabatijwe n'Umwuka Wera, cyangwa bahakana ko abantu bakomeye nka Knox, Moody, Taylor, Goforth n'abandi bakiriye Umwuka Wera, cyangwa bahamya ko bavugaga mu ndimi mu ibanga batazi ibiraho biba. Ariko si ukuri. Oya, mugenzi. Ni ikosa rikomeye.

Kuvuga mu ndimi si igihamya ko twuzuye Umwuka. Gusa ni kumwe mu kwigaragaza ikenda kuvugwa mu 1 Bakorinto 12. Nta murongo w'Ibyanditswe n'umwe uvuga ko tuvuga mu ndimi iyo twakiriye Umwuka Wera, cyangwa ko twakira Umwuka Wera mu kuvuga mu ndimi. Nyamara, biravugwa neza ko : « nyuma yuko buzuzwa Umwuka Wera batangiye kuvuga mu ndimi», kandi nyuma, biravugwa ko bahanuye.

Uyu munsi, abantu benshi bafashe ko ari icyaronswe ko bose bavuga ko bakiriye Umwuka Wera kuko bavuga mu ndimi bafite kuvuga mu ndimi k'Umwuka nyakuri. Ariko si iby'ukuri, kuko abantu benshi bavuga ururimi ruzwi, ariko bakongejwe n'umwuka mubi. Noneho, tuvuge ko turi mu materaniro maze abantu bose bakavuga mu ndimi. Mwashobora kumenya mute ukuvuga mu ndimi k'Umwuka uko ari ko n'ukwa Satani uko ari ko ? Nigeze kuba hagati y'abapagani aho abarozi banyweraga amaraso mu gihanga, bavuga mu ndimi, bazisobanura banahanura. Bashobora no kwandika mu ndimi.

Kandi niba kuvuga mu ndimi ari igihamya cy'uko twakiriye Umwuka Wera, rero byari bikwiye ko kuvuga mu ndimi kose kuba ukw'Imana. Ariko abafata ko kuvuga mu ndimi ari cyo kimenyetso k'ibanze bemeye ko hari ukuvuga mu ndimi k'ukuri n'ukw'ibinyoma, kuko Imana ifite uk'ukuri naho Satani akagira ukw'ibinyoma. Ikibazo cyange rero ni iki : "Ni nde uzi uk'ukuri uko ari ko ? Ni nde usobanukirwa ururimi ngo amenye ibyavuzwe ? Ni nde ufite impano yo kugenzura ngo abimenye ?" Hamwe n'ibisubizo by'ibyo bibazo, tuzashobora kugira icyo dushyiraho, ariko mbere yuko tubigira, tugomba kwibaza aho kuvuga mu ndimi gukomoka. Ubu nyine, mushobora kubona ko mu gushyigikira ko kuvuga mu ndimi ari ikimenyetso k'ibanze badasobanukirwa ibyavuzwe, duhatiwe kwemera ko kuvuga mu ndimi kose ari ukw'Imana. Ibi byatuganisha rero kwizera ko umwanzi adashobora kuvuga mu ndimi. Si ko bimeze ; oya, habe na busa. Intumwa nyakuri iyo ari yo yose iri mu butumwa mu mahanga izi neza cyane ko amadayimoni avuga mu zindi ndimi, nk'uko nange mbizi ku bw'inararibonye.

Abanyatewolojiya b'Abapantekote ko ari nta cyo bafite mu Byanditswe kerekana ko tuvuga mu ndimi iyo tubatijwe n'Umwuka Wera. Bemera ko babyagura bahereye ku nararibonye rivugwa mu gitabo k'Ibyakozwe, aho abantu bavuze mu ndimi inshuro eshatu kuri eshanu. Bavuga kandi, ari nta murongo w'Ibyanditswe bashingiyeho, ko hariho ubwoko bubiri bwo kuvuga mu ndimi. Ubwa mbere, ni ukuvuga mu ndimi kuboneka iyo twakiriye Umwuka Wera, kandi ni "Igihamya", kandi nyuma, iyo twizeye, dushobora kwakira impano yo kuvuga mu ndimi bidushoboza kuvuga kenshi. Nyamara, bavuga ko dushobora kuvuga mu ndimi inshuro imwe nk'ikimenyetso ko twakiriye Umwuka Wera, ntituzongere kuvuga mu ndimi ukundi mu bihe bikurikiyeho.

Indi nshuro, twakwifusa kumenya aho biherereye mu Ijambo. Niba bitarimo, rero Imana nta byo yavuze, kandi agushije ishyano uzagira icyo yongera kuri iri Jambo. Ariko mu Ijambo hari ibyo bayobewe byuzuye kuri iyo nsanganyamatsiko nyine. 1 Abakorinto13. Iki gice kivuga iby'indimi z'abantu n'iz'abamalayika, ibyababihura n'indimi zizwi n'izitazwi. Abapantekote ba none bavuga ko bashobora kwakira Umwuka Wera mu kuvuga mu ndimi zitazwi, indimi z'abamalayika. Bashyira igikururwa n'ibimasa imbere yabyo. Mbese, mu Byakozwe n'intumwa 2, abantu bavugaga mu mvugo itunganye iyo n'abatizera ubwabo bumvaga bakanasobanukirwa.

Noneho iyo Imana icecetse, turushaho kugira neza iyo ducecetse. Ariko aho Yavuze, turushaho kugira neza iyo tuvuze, natwe, maze tukavuga ibyo Yamaze kuvuga. Yatubwiye ko igihamya ari ukuvuga icyajyaga kuba nyuma yo kubatizwa n'Umwuka Wera, ni uko Umwigisha yajyaga kutwigisha ukuri kose.

Ariko uwo Mwigisha ni Umwigisha w'IMBERE, si umwigisha wo hanze. Iyo aba Umwuka atabaga imbere, ntimwakumvise ukuri kandi ntimwajyaga kukwakira binyuze mu guhishurirwa, kabone n'iyo mwabyumva umunsi ukira. Byari ikimenyetso ko Umwuka yabaga imbere mu gihe cya Pawulo. Abari buzuye Umwuka Wera bumvaga Ijambo, bakaryakira, kandi bakabeshwaho na Ryo. Abatari bafite Umwuka barabyumvaga gusa nk'abanyamubiri, bakarisobanura nabi, kandi bakagendera mu cyaha.

Muri buri gisekuru k'itorero (kandi buri gisekuru k'itorero ni igisekuru cy'Umwuka Wera ku mwizera nyakuri), Mvuze nti muri buri gisekuru k'itorero, Ikimenyetso cyakomeje kuba cya kindi. Abari bafite Umwuka, Umwigisha, bumvaga Ijambo, kandi uwo Mwuka muri bo yafataga Ijambo maze Akaribigisha (akaribahishurira) ; kandi bari bagize itsinda ry'abumvaga intumwa n'ubutumwa bwayo, ababufataga maze bakabugira ubuzima bwabo.

Nzi ko ari ikigeragezo gikomeye gufatira ikitegererezo ku munsi wa Pantekote, kandi no ku munsi Umwuka Wera yamanukiraga ku rugo rwa Korunerio, hanyuma ugafata izo nararibonye zombi zisa ukazifata nk'ikimenyetso cyo kubatizwa n'Umwuka Wera. Ariko muri ubwo buryo bwombi, kuvuga mu ndimi kwasobanukiraga abari bari aho. Dore ko isi nshya y'uruyobe ari rwo materaniro ya gipantekote.

Kandi niba ibi bidahagije ngo bitwemeze kureka ibitekerezo nk'ibyo, tuzakora iki mbere y'ibikorwa by'abantu batigeze bavuga mu ndimi bafite mu buzima bwabo imwe mu zindi mpano umunani z'Umwuka, nk'ijambo ry'ubwenge, kugenzura imyuka, ijambo ryo kumenya, kwizera, gukiza indwara ndetse n'ibitangaza ? Kandi uku kwitegerezza iby'Imana ni ukw'ingiramumaro cyane ku buryo kuvuga mu ndimi, ari yo mpano ntoya kuruta izindi mu mpano ikenda, bityo iyo tubona abantu batavuga mu ndimi, kandi batanigeze bavuga mu ndimi, kandi bagaragaza impano ziruta iyo kuvuga mu ndimi, tugomba, kuruta mbere, gukura ikizere cyose ku nyigisho nk'izo.

Murabona rero, noneho ko tudashobora kubahuka icyo Bibiliya itavuze. Nk'uko Ibyanditswe Byera bitwigisha ko umurimo w'Umwuka Wera no kwigaragaza k'uriya muntu uhawe umugisha ari uwo kuzanira ukuri kwa buri gisekuru k'itorero imbuto nyakuri y'icyo gisekuru, tuzi ko hakwiye ko Mwuka atura, mu muntu kugira ngo uyu ashobore kwakira ukuri kw'icyo gihe. Amina. Biratunganye neza neza. Kandi niba ibyo bisekuru by'itorero bigira icyo bitwerekira, uko ni ko kuri biduhamiriza.

Noneho, mbere yo kureka iyi nsanganyamatsiko, nashakaga kuvuga mu buryo busobanutse cyane icyo Umubatizo w'Umwuka Wera ari cyo, dushingiye ku Ijambo. Nta bwo ari ku bwange nta nubwo ari ku bwanyu, ahubwo birakwiye ko biba : "NI KO UWITEKA AVUZE", bitaba ibyo, tukaba twarayobye. Amina.

Mu gutangira, muraza kubona ko mu materaniro yange, ndangije kubwiriza, igihe cy'amateraniro y'ibwirizabutumwa cyangwa y'ubutumwa bw'inyigisho, njugunya urucundura maze nkararikira abantu kugira icyo bakora. Mbasaba kuza imbere kugira ngo bakire Umwuka Wera. Inshuti zange z'Abapantekote iyo banyumvise mvuga ibi, bibwira ko ndarikiye abantu kubatizwa n'Umwuka Wera kuko bamaze kuvuka ubwa kabiri. Bityo, iyo ndaritse abuzuye Umwuka ngo baze bafashe abitabiriye ubutumire bwo kwakira Umwuka, izo nshuti z'agaciro zihutira ku bantu baje imbere, kugira ngo babashishikarize kwiyegurira Imana no kwizera kugira ngo bavuge mu ndimi. Ibi byabaye impamvu y'urujijo rwinshi, kandi ndashaka kubabwira neza neza uko mbyumva. Uko mbyumva ni uko umunyabyaha aza imbere maze akavuka bwa kabiri, ni ukuvuga ko abatirizwa mu mubiri wa Kristo bikozwe n'Umwuka Wera, neza neza ari byo byabaye ku munsi wa Pantekote, ubwo Itorero ryatangiraga. Mu yandi magambo, kubyarwa n'Umwuka, ni ukubatizwa n'Umwuka Wera by'ukuri. Ni ikintu kimwe rukumbi.

Ndasobanukirwa neza ko ibi bigiye kugira abobigiye gutera urujijo ho gato, kuko abenshi mu bantu bazi ko nimitswe nk'umubwirizabutumwa mu idini ry'Abatisita, kandi nkaba mvuga kuva kera ko abatisita bibeshe bavuga ko twakira Umwuka Wera IYO twizeye, kuko atari ukuri. Tumwakira "tumaze kwizera".

Ibyakozwe 19 :2-6 :

"Arababaza ati : mwahawwe Umwuka Wera mutangiye kwizera ? Baramusubiza bati : nta bwo twari twumva ko Umwuka Wera yaje.

Arababaza ati : Mwabatijwe mubatizo ki ? Baramusubiza bati : Umubatizo wa Yohana.

Pawulo ati : Yohana yabatije umubatizo wo kwhiana, abwira abantu kwizera uzaza hanyuma ye ari we Yesu. Babyumvise batyo babatizwa mu izina ry'Umwami Yesu. Pawulo amaze kubarambikaho ibiganza, Umwuka Wera abazaho, maze bavuga izindi ndimi barahanura."

Ni byo. Pawulo yarabajije ati:"mwahawwe Umwuka Wera NYUMA yo kwizera, si igihe mwizeraga." Kandi hariya hari itandukaniro rinini, kuko ari nyuma yo kwizera twakira. Abefeso 1 :13 ni ijambo nyaryo risubiramo ibyabereye muri Efeso nk'uko biri mu Byakozwe n'Intumwa 19:

"Uwo namwe, mwizeye, MUMAZE kumva Ijambo ry'ukuri, Ubutumwa Bwiza bw'agakiza kanyu; Ubwo mwari MUMAZE kwizera (atari mukizera), mwashyizweho Ikimenyetso

cy'Umwuka Wera w'isezerano."

Ariko dore aho nshaka kugera. Abensi mu banyabigezweho bacu, ndetse no mu banyamahame (abiyita), bizera agakiza igihe runaka bakunze kwita "gufata ikemezo", maze bita ibyo kwakira Kristo cyangwa kuvuka ubwa kabiri. Kandi, kwakira Kristo, ni n'ukwakira Umwuka We, kwakira Umwuka We ni ukuvuka ubwa kabiri. Kwakira Umwuka We ni ukubatizwa n'Umwuka Wera. Amina. Abo bantu barizera. Biratangaje. Ariko ntibarenga aho. Ni nyuma yo kwizera twakira Umwuka Wera. Ni uko byahoze kandi ni ko bizahora. Ibwiriza rya mbere ryakozwe na Petero umunsi wa Pantekote, avuga ati:

"Nimwihane, umuntu wese muri mwe abatizwe mu Izina rya Yesu Kristo ngo mubone kubabarirwa ibyaha byanyu, kandi namwe muzahabwa iyi mpano y'Umwuka Wera, kuko isezerano ari iryanyu n'abana banyu n'abari kure bose, abazahamagarwa n'Umwami Imana yacu."

Ayo mabwiriza yari igisubizo kitaziguye cya Petero ku birebana n'ibyabaye by'ukuri umunsi wa Pantekote. Ibyabaye, ni uko Imana, nk'uko byari byaravuzwe muri Yoweri, yasutse Umwuka Wera wari warasezeranywe ku bantu bose. Ntiyari yarigeze asukwa mbere y'icyo gihe. Cyari icyo gihe. Ariko uhoreye icyo gihe, IBYO byagombaga kuza binyuze mu kwhiana, umubatizo mu Izina ry'Umwami Yesu Kristo, nyuma yaho Imana yagombaga kuzuza abazaga. Nta Petero habe n'umwe wo mu ntumwa, waba yarigeze kuvuga ati: "Mugomba kuvuka ubwa kabiri, hanyuma mukabona kuzura Umwuka."

Kugira ngo tubone ko ari rwo rugero rw'inrararibonye mu kwakira Umwuka Wera, mwitegerezewa mwitonze igihe cyakurikiyeho ubwo Umwuka Wera yamanukiraga abantu.

Ibyakozwe n'intumwa 8:5-17:

"Filipo aramanuka ajya mu mudugudu w'i Samariya, ababwiriza ibya Kristo. Ab'aho benshi baraterana, bumva ibyo Filipo avuga n'umutima uhuye bamwitayeho, bumvise kandi babonye ibimenyetso yakoraga. Kuko benshi muri bo bari bafite abadayimoni babavamo basakuza cyane, n'abari baremaye n'abacumbagiraga benshi barakizwa. Haba umunezero mwinshi muri uwo mudugudu. Hariho umuntu w'umukonikoni witwaga Simoni wabaga muri uwo mudugudu, atangaza ubwoko bw'Abasamariya yiyita ukomeye. Baramwumvaga bamwitayeho bose, abakomeye n'aboroheje bat: 'Uyu muntu ni we mbaraga y'Imana yitwa ikomeye.' Icyatumaga bamwitaho, ni uko uhoreye kera yayyaga abatangarisha iby'ubukonikoni bwe. Ariko bamaze kwizera Ubutumwa Bwiza Filipo ababwira Ubutumwa bw'Ubwami bw'Imana n'ubw'Izina rya Yesu Kristo, barabatizwa, abagabo n'abagore. Na Simoni ubwe aremera, kandi amaze kubatizwa agumya kubana na Filipo.

Abonye uburyo akora ibimenyetso n'imrimo ikomeye arumirwa. Ni uko intumwa zari i Yerusalem zumvise ko Abasamariya bizeye Ijambo ry'Imana, zibatumaho Petero na Yohana. Na bo basohoyeyo barabasabira ngo bahabwe Umwuka Wera, kuko hari hataragira n'umwe wo muri bo Amanukira, ahubwo bari barabatijwe gusa mu Izina ry'Umwami Yesu. Ni uko babarambikaho ibiganza, bahabwe Umwuka Wera."

Dushingiye ku murongo wa 12, BIZEYE IJAMBO. Hanyuma, babatizwa mu Izina ry'Umwami Yesu. Ariko uko bivugwa mu murongo wa 16, tutitaye kuri ibyo byose, bari BATARAKIRA UMWUKA WERA. Ni gusa NYUMA yo kwizera no kumara kubatizwa bitunganye bakiriye Umwuka Wera. Neza neza ni ugukurikiza urugero twahawe na Petero mu Byakozwe n'Intumwa 2:38-39.

Undi murongo w'Ibyanditswe usobanura ibi mu buryo butangaje ni uw'Abagalatiya 3:13-14.

"Havumwe umuntu wese umanitswe ku giti, kugira ngo umugisha wa Aburahamu ugere no ku banyamahanga bawuheshejwe na Yesu Kristo, kwizera kubone uko kuduhesha wa Mwuka twasezeranijwe."

Kandi, ntidushobora na busa kuvuga ko "umugisha wa Aburahamu" ari ukuvuka ubwa kabiri, kandi ko "Umwuka wari warasezeranywe" ari umubatizo w'Umwuka Wera, nk'ibintu bibiri bitandukanye. Mbese, icyo Cyanditswe kivuga gitya: Yesu yapfiriye ku musaraba, maze, kubw'urwo rupfu n'uwo muzuko, umugisha wa Aburahamu wasohoreye abanyamahanga, wavuye ku Bayuda. Ibi byabereye kugira ngo abanyamahanga bashobore kugera ku Mwuka."

Gusobanukirwa ibyo maze kuvuga, ni ukubona impamvu abiga Bibiliya batigeze babona ahantu na hamwe, aho Pawulo avuga ati: "Muvuke ubwa kabiri, HANYUMA, mwuzure Umwuka." Banzuye ko ari hariya, kandi, n'igisobanuro babiha, babyitirira Ibyanditswe, ARIKO IBYANDITSWE SI KO BIVUGA. Yesu na we Ubwe ntiyigeze abivuga.

Mwitegerezewa Yohana 7:37-39 maze mubisome mwitonze noneho mubisobanukirwe.

"Ni uko ku munsi uheruka w'yo minsi mikuru, ari wo munsi uruta iyindi, Yesu arahagarara

avuga cyane ati: 'umuntu nagira inyota aze aho ndi anywe. Unyizera, imigezi y'amazi y'ubugingo izatemba iva mu nda ye, nk'uko Ibyanditswe bivuga.' Ibyo yabivuze yerekeje ku Mwuka Wera, uwo abamwizera bajyaga guhabwa, ariko ubwo Umwuka yari ataraza kuko Yesu yari atarahabwa uwiza bwe."

Hano bivuganwa imbaraga n'umucyo ko umwizera wajyaga kunywa, asanga Yesu afite kwizera, imigezi y'amazi y'ubugingo yajyaga gutemba imuvamo. Byongeye kandi, birahamirijwe ko ibyo byajyaga gusohora umunsi wa Pantekote. Noneho, dukomeje iki gitekerezo mu mitima yacu, dusoma Yohana 4:10-14:

"Yesu aramusubiza ati: 'iyaba wari uzi impano y'Imana, ukamenya n'ugusabye amazi uwo ari we, nawe uba umusabye amazi nawe akaguha amazi y'ubugingo.' Ariko unywa amazi nzamuha ntazagira inyota ukundi, ahubwo amazi nzamuha azamuhindukiramo isoko y'amazi adudubiza kugeza mu bugingo buhoraho."

Aya mazi amwe y'ubuzima aravuzwe, ariko noneho, ntiyitwa umugezi, ahubwo yitwa isoko y'amazi adudubiza. Ni ho abantu bibeshyera. Nk'uko ryitwa "isoko" "n'umugezi", batekereza ko ahantu hamwe ari Ubuzima bw'Iteka butangwa n'Umwuka, maze ahandi, aho yitwa umugezi (bivuga imbaraga zikomeye), bigomba noneho kuba uje kutwambika imbaraga zikomeye. Si byo. Ni ikintu kimwe rukumbi. Ni Umwuka utanga ubuzima n'imbaraga, ibyaje umunsi wa Pantekote.

Ni iki cyateye uku kutumvikana? Igisubizo ni: "INARARIBONYE." Ryasanze dukturikije ubunraribonye bwacu, tudakurikije Ijambo. Mwikuremo ubunraribonye nk'urufatiro. Hari igipimo kimwe rukumbi, urugero rumwe, ni IJAMBO. Noneho, mwitegerezewa mwitonze kugira ngo mubisobanukirwe. Petero yaravuze ati: "Nimwhane maze mubatizwe mu Izina rya Yesu Kristo kugira ngo mubabarirwe ibyaha, kandi muzahabwe impano y'Umwuka Wera." Pawulo yaravuze ati: "Mwakiriye Umwuka Wera mumaze kwizera?" Icyo ni cyo kibazo cyacu twese. Abantu bihana ibyaha byabo, babatizwa mu mazi, ARIKO NTIBAKOMEZA NGO BAKIRE UMWUKA WERA. TWIZERA NGO TWAKIRE UMWUKA WERA. Kwizera Yesu, ni intambwe mu kerekezo kiza, ni ukuvuga kwerekeza ku Mwuka Wera. Ariko abantu ntibarenga aho bagarukira ku mazi, hanyuma bagahagarara. Barizera, hanyuma bakagarukira aho. Bibiliya ntivuga ko twakira igihe twizera. Ni: "Hari ubwo, mumaze kwizera, mwakiriye Umwuka Wera?" Ubusemuzi bwa nyabwo kandi inyuguti ku yindi, ni: "Mbese mwakiriye Umwuka wera aho mwizereye. Abantu barizera, hanyuma bagahagarara. Ntitwakira Umwuka Wera mu kumwizera, ahubwo ni mu kwihana. Dukwiriye gukomeza maze tukakira Umwuka Wera. Murabibona? Ngicyo ikitagenda ku banyamahame bacu. Nta mbaraga bafite, kuko bahagarara batarashyikira Pantekote.

Bameze nk'abana ba Isirayeli basohotse muri Egiputa maze bagahagarara bataragera mu gihu gihu k'isezerano. Ubwo abo bana ba Isirayeli bavaga muri Egiputa, babarirwaga muri miliyon ebyiri z'abantu. Bose bagenderaga hamwe, bose babonye ibitangaza bimwe by'Imana, bose basangiye manu imwe n'amazi y'Igitare cyakubiswe, bose bakurikiraga Igicu kimwe ku manywa, n'Inkingi y'Umuriro imwe nijoro, ariko BABIRI BONYINE ni bo bageze mu gihu k'isezerano. BABIRI BONYINE BARI AB'UKURI, CYANGWA, ABIZERA NYAKURI. Ni byo, kuko Ijambo ritubwira ko abandi bose bishwe no kutizera kwabo; kandi ni ku bwo kutizera batashoboye kwinjira. (Abaheburayo 3:19) rero, kuko ari uko, kandi BABIRI BONYINE AKABA ARI BO BINJIYE, icyo gihe, abandi ntibari abizera nyakuri. ni iki cyabatandukanya? Babiri bagumye mu Ijambo. Igihe za ntasi icumi zaburaga umutima ukomeye i Kadeshi Baruneya, Yoshuwa na Kalebu ntibashidikanje, kuko bizeraga Ijambo, maze baravuga bati: "Turenze gushobora gufata igihugu." Bari bazi ko babishoboye, kuko Imana yari yaravuze iti: "Nabahaye igihugu." Nyuma yaho Abisirayeli baboneye imbaraga, ubugwaneza no kubaturwa n'Imana, nta bwo binjiye mu buruhukiro, ubwashushanyaga Umwuka Wera. Rero, aho, mushobora kubona ko hazaba bake bazizera kugeza bakiriye Umwuka w'Imana.

Ni byiza cyane, dore tugeze hano. Nifuzaga kugera kure, kandi nzi ko mu kubikora, ngiye kubyutsa amarangamutima amwe. Ariko ni ikintu ntashinzwe. Mfite inshingano imbere y'Imana, mu Ijambo Ryayo no ku bantu Imana yantumyeho. Ngomba gukiranuka mu byo Imbwiriza kuvuga byose.

Muri Yohana 6 :37 na 44, handitswe ngo :

"Uwo Data yampaye wese aza aho ndi, kandi uza aho ndi sinzamwirukana na hato. Nta we ubasha kuza aho ndi, keretse arehejwe na Data wantumye, nange nkazamuzura ku munsi w'imperuka."

Yohana 1 :12-13 :

"Icyakora abamwemeye bose bakizera izina rye, yabahaye ubushoboz bwo kuba abana b'Imana. Abo ntibabyawe n'amaraso cyangwa n'ubushake bw'umubiri, cyangwa n'ubushake bw'umuntu, ahubwo BABYAWE N'IMANA."

Abefeso 1 :4-5 :

"Nk'uko yadutoranirije muri we isi itararemwa, kugira ngo tube abera tutariho umugayo

imberere yayo. Kuko yagambiriye kera ku bw'urukundo rwayo ko duhinduka abana bayo, tubiheshejwe na Yesu Kristo ku bw'ineza y'ubushake bwayo."

Kandi, tutinjiye cyane mu birebana n'ubwigenge bw'Imana (Kuko haba hakwiye igitabo cyose kihariwe n'iyo nsanganyamatsiko), nashakaga kubereka, nshingiye kuri iyo mirongo, Yesu atoranya umugen We Bwite, nk'uko abagabo ubu bitoraniriza abageni babo. Ubu, umugen ntafata ikemezo cyo kwihitiramo uzamubera umugabo. Oya mugenzi. Ni umukwe ufata ikemezo maze akihitiramo umwari runaka ngo azamubere umugenzi. (Yohana 15:16: "Si mwe mwantoranje, ahubwo ni nge wabatoranje.") Rero, dushingiye ku Ijambo ry'Imana, Umugenzi yari yaratoranije isi itarashyirirwaho urufatiro. Iri toranya ry'Umugenzi ryari umugambi Yari yaracuze muri We Ubwe.

Abefeso 1 :9 no mu Baroma 9:11, haravuga hati:

"Kugira ngo umugambi w'itoranya ry'Imana ukomeze kubaho."

Ntimushobora kubisoma ukundi. Umugambi wari ku mutima w'Imana, umugambi Wayo w'iteka wari uwo gufata Umugenzi YIHITIYEMO, kandi Yari yaracuze uwo mugambi muri Yo Ubwayo ; nk'uko Yari iy'Iteka, umugambi Wayo wari warashyizweho isi itarashyirirwaho urufatiro.

Noneho, mwitegerezew mbitonze, kugira ngo mubone ibi. Mbere y'uko agakungugu na gato k'inyenyeri kabaho ; mbere y'uko Imana iba Imana (Imana ni ikintu kiramywa, nta muntu n'umwe wari uhari wo kuyiramya, rero, icyo gihe, yari Imana mu bushobozi gusa), ubwo Yari iriho nk'Umwuka w'Iteka, Uumugenzi yari mu gitekerezo Cyayo. Yego, yari arimo. Yariho mu Bitekerezo Byayo. None ibyo bitekerezo by'Imana ni ibihe ? Ni iby'Iteka, si byo ?

Ibitekerezo by'Iteka by'Imana ! Reka mbababaze nti : "Ibitekerezo by'Imana ni iby'Iteka ?" Iyaba mwashoboraga kubibona, muzabona ibantu byinshi. Imana ntihinduka, muri kamere Yayo no mu myitwarire Yayo. Tumaze kubyiga kandi turabihamya. Imana ntigira iherezo mu bushobozi Bwayo kandi, nk'uko ari Imana, rero Izi byose. Niba Izi byose, nta bwo Iriho yiga ubu, habe no kwishakaho inama, nta nubwo Igira icyo yunguka mu bumenyi. Niba Ishobora kunguka ubumenyi, rero ntiyaba Izi byose. Ibiruta ibindi, twashobora kuvuga ko ku iherezo Izabimenza. Arikoo ntabiri muri Bibiliya. IZI byose. Ntiyigeze igira igitekerezo gishya ku kintu icyo ari cyo cyose, kuko Yahoranye ibitekerezo Byayo byose, Izabihorana, kandi Izi iherezo uhoreye mu itangiriro, kuko ari Imana. Ibitekerezo by'Imana rero ni iby'Iteka. Ni iby'ukuri. Ntibiri gusa igishushanyo mbonera umuntu yashushanje, igihe kimwe kikazafata ishusho igaragara, ahubwo bimaze gufatika kandi ni iby'Iteka, kandi bigize igice k'Imana.

Nimurebe ukuntu bigenda. Imana yahoranye Adamu mu bitekerezo Byayo. Adamu nk'igitekerezo Cyayo, yari ataragaragazwa.

Zaburi 139 : 15-16 haguha ishusho nto yabyo:

"Igikanka cyange ntiwagihishwe, ubwo naremerwaga mu rwihihisho, ubwo naremeherezwaga ubwenge mu byo hasi y'isi. Nkiri urusoro amaso yawe yarandebaga, mu gitabo cyawe handitswemo iminsi yange yose, yategetswe itaravaho n'umwe."

Ibi, nk'uko nabivuze, ntibyanditswe kuri Adamu, arikoo biguha igitekerezo cyari gihari, mu gitekerezo Cyayo, kandi ko icyo gitekerezo cyari ik'Iteka kandi ko cyagombaga kugaragazwa. Bityo, ubwo Adamu yabumbwaga mu mukungugu w'isi kandi ko ubugingo bwe bwaremwe n'Imana, rero Adamu yabaye igitekerezo k'Imana kigaragajwe, kandi ibitekerezo Byayo by'Iteka byari bigaragajwe noneho.

Twashobora gukomeza mu binyejana. Turabona Mose, Yeremiya, Yohana Umubatiza, kandi buri wese yari igitekerezo k'Iteka k'Imana kigaragajwe mu gihe cyacyo. Hanyuma, tugeze kuri Yesu, Jambo. Yari Igitekerezo gitunganye kandi cyuzuye, kigaragajwe, kandi Yimenyekanishije nk'Ijambo. Ni cyo ARI cyo, kandi ni cyo AZABA cyo ibihe byose.

Kandi, handitswe ko : "yadutoranirije MURI WE (Yesu) mbere yuko isi ishyirirwaho urufatiro". Bishaka kuvuga ko twari duhari, HAMWE NA WE, mu Gitekerezo k'Imana, mu Bitekerezo Byayo mbere yuko isi ishyirirwaho urufatiro. Ibyo biha intore kubaho kw'Iteka. Ibyo ntushobora kubivaho.

Munyemerere nshyiremo igitekerezo hano. Ndetse no kuvuka kwacu gusanze gushingiye ku gutoranywa. Uduabo tw'intanga ngore dukora intanga nyinshi. None bishoboka bite ko igihe runaka, intanga imwe isohoka indi ntisohoke? Hanyuma mu masohoro y'umugabo, ari nta mpamvu izwi, intanga ngabo imwe runaka ikifatanya n'intanga ngore, mu gihe n'izindi zashoboraga kwifatanya na zo byoroshye, cyangwa zari zifite amahirwe yo kubikora na zo, arikoo nta byo zakoze maze zirapfa. Hari ubwenge inyuma y'ibyo byose, niba atari ibyo ni iki gikora ngo uruhinja rube umuhungu cyangwa umukobwa, umuyumbu cyangwa inzobe, amaso yirabura cyangwa yera, n'ibindi.

Tubirebeye mu mwuka, tekereza kuri Yoshuwa na Kalebu.

Yesu ntiyavuze muri Yohana 6:49 ati:

"Ba sogokuruza banyu baririye manu mu butayu, nyamara barapfuye."

Abo bakurambere bapfuye bagombaga kuhaba nk'abakurambere b'abo Yesu yavuganaga na bo. Barapfuye, kandi bari intore z'Imana mu buryo busanzwe, nk'uko Yoshuwa na Kalebu bari zo mu buryo bw'Umwuka.

Ariko kugira ngo dukomeze. Izo ntore ntizari gusa ibitekerezo by'Iteka by'Imana byagombaga kugaragazwa mu mubiri mu gihe cyabo, ariko izo ntore zimwe zitwa irindi zina.

Abaroma 4:16:

"Ni cyo gituma byose biheshwa no kwizera ngo bibe iby'ubuntu, iryo sezerano ribone uko rikomerezwa urubyaro rwose. Nyamara si urw'abakomeza amategeko gusa, ahubwo ni urw'abafite kwizera kwa Aburahamu ari we sogokuru wa twese."

Abaroma 9:7-13,

Kandi kuko ari urubyaro rwa Aburahamu si cyo kibagira abana be bose, ahubwo yabwiwe ngo: 'Kuri Isaka ni ho urubyaro rwawe ruzakwitirirwa.'

Ibyo ni ukuvuga yuko abana b'umubiri atari bo bana b'Imana, ahubwo abana b'isezerano ni bo bemerwa ko ari urubyaro rwayo, kuko ijambo ry'isezerano ryari iri ngo: 'mu mwaka utaha, magingo aya nzaza, Sara abyare umuhungu.'

Kandi si ibyo gusa, ahubwo na Rebeka ubwo yari afite inda atewe n'umwe ari we Isaka sogokuruza, na we yabwiwe ngo: 'umukuru azaba umugaragu w'umuto' nk'uko byanditswe ngo: 'Yakobo naramukunze, naho Esawu ndamwanga, kandi yabibwiwe abana bataravuka kandi batarakora ikiza cyangwa ikibi, ngo ibyo Imana yagambiriye itoranya bibebo bitavuye ku mirimo, ahubwo bivuye kuri Yo ihamagara.'

Abagalatiya 3:16:

"Ni uko rero ibyasezeranywe byasezeranijwe Aburahamu n'urubyaro rwe, nyamara Imana ntirakavuga Iti 'imbyaro' nko kuvuga benshi, ahubwo iti: 'Ni urubyaro rwawe' nko kuvuga umwe, ari we Kristo.'

Abagalatiya 3:29:

"Ubwo muri Abakristo muri urubyaro rwa Aburahamu, muri n'abaragwa nk'uko byasezeranywe."

Nk'uko tubona mu Baroma 4:16, dusanga Imana yarahaye isezerano ridashidikanywaho abakomoka kuri Aburahamu BOSE, kandi Pawulo yishyira na we ubwe, hamwe n'abizera bose, munsi y'icyo kitiriro, kuko avuga ati: Aburahamu, data wa twese." Hanyuma, arakomeza, atari ugupfobya gusa igisobanuro ke, ahubwo ari ukugisoza, kuko mu Bagalatiya 3, yagaragaje URUBYARO (mu buke) ko ari Yesu, kandi ko yabaze "abana b'imbuto" nk'abana b'isezerano, bavuga ko isezerano ryerekereanye no "gutoranywa", ni ukuvuga "amahitamo y'Imana". Kandi neza neza ni byo twavuze. Aba ari bo, imbuto ya cyami, ni intore z'Imana, kandi bagenwe mbere, bamenye mbere kandi bahoze mu bitekerezo by'Imana, bari ab'ibitekerezo Byayo. Mu mvugo isobanutse, Umugen nyakuri wa Kristo yari mu bitekerezo by'Imana iteka ryose, nubwo yari ataragaragazwa cyane kuko buri wese yari ataragaragazwa mu gihe cyashyizweho, cyamugenewe. Buri rugingo, mu kuza, yari AGARAGAJWE kandi afashe umwanya mu mubiri. Bityo, uyu Mugeni ni UMUGENI-MBUTO-JAMBO RIVUZWE byuzuye. Kandi, nubwo yavuzwe nk'igitsina gore, anitwa kandi: "Umubiri wa Kristo". Biranasobanutse ko ari ko agomba kwitwa kuko yari yaratoranirijwe muri We, yaturutse mu isoko imwe, yari uw'Iteka hamwe na We, kandi noneho agaragaza Imana mu Mubiri ugizwe n'ingingo nyinshi, mu gihe mbere, Imana yari yarigaragaje mu rugingo rumwe rukumbi, Umwami wacu Yesu Kristo.

Bitugejeje rero ubu ku mwanzuro. Nk'uko Ijambo ry'Iteka (Imana) ryigaragarije mu Mwana, kandi ko muri Yesu ari ho Ubumana bwose bwari buri mu buryo bw'Umubiri, nk'uko iki kinyabuzima k'Iteka cyari Data wigaragarije mu Mubiri, uhawe atyo ikitiriro cy'Umwana, gutyo natwe, ab'Iteka mu Bitekerezo Byayo, natwe twaje guhinduka Imbuto-Jambo rivuzwe rigizwe n'ingingo nyinshi, ryigaragarije mu mubiri. Kandi ibi bitekerezo by'Iteka, bigaragajwe noneho mu mubiri, ni Abana b'Imana- ni uko duhamagarwa. NTA BWO TWAHINDUWE IMBUTO NO KUVUKA UBWA KABIRI; TWARI DUSANZWE TURI IMBUTO, NI YO MPAMVU TWAVUTSE UBWA KABIRI, KUKO INTORE ZONYINE ARI ZO ZISHOBORA KUVUKA UBWA KABIRI. Kubera uko TWARI IMBUTO twashoboye kuzurwa. Mu KITARI IMBUTO, ntagihari cyo kuzura. Mukomeze neza ibi mu mutima.

Noneho, tuge ku ntambwe ikurikira. Gucungura bivuga kugura ikintu wahoranye mbere. Ni ugusubiza ikintu uwahoze ari nyiracyo wa mbere. Imana, mu rupfu Rwayo, mu maraso Yayo yamenetse, YACUNGUYE ABAYO. Yacunguye Umugen -Mbuto- Jambo rivuzwe. "Intama Zange zumva Ijwi Ryange

(Ijambo Ryange) maze zikankurikira." Wahoze uri intama. Ntiwigeze uba ingurube cyangwa imbwa ihinduwemo intama. Ntibishoboka, kuko ikinyabuzima cyose kibyara gikurikije ubwoko bwacyo, kandi ntihabeho guhinduka k'ubwoko. Nk'uko twahoze mu Bitekerezo by'Imana, kandi tukaba hanyuma twaragaragariwe mu mubiri, hagombaga kuzabaho igithe twagombaga kumviraho Ijwi Ryayo (Ijambo) kandi, mu kumva iryo Jwi, twajyaga kumenya ko Data aduhamagaye, kandi tugasobanukirwa ko turi abana b'Imana. Twumvise Ijwi Ryayo kandi twaratatse, nk'umwana w'ikirara tuti: "Ntabara Data! Ndaghuhindukiriye."

Umwana w'Imana bishobora kumutwara igithe kirekire kugira ngo amenye ko ari umwana w'Imana. Mbese, Abakristo benshi b'ukuri bameze nka cya cyana k'ikizu kivugwa mu mateka, cyari cyaraturazwe n'inkoko. Muzi ko ikizu ari urugero rw'umwizera nyakuri. Mwumve, umworozi yari yaratwaye igi rimwe arikuye mu cyari k'ikizu hanyuma arishyira mu magi y'inkoko. Igihe kigeze, amagi yose yaraririwe n'inkoko irayaturaga. Imishwi yumvikanaga neza na nyina, ariko iki cyana k'ikizu nticyavaga inda imwe n'inkoko habe no kuraha mu icukiro ry'ibishingwe ngo kirashakamo ibiryo. Cyabashaga kwirwanaho ngo kidapfa, ariko muri cyo cyari cyarazimiye.

Ariko igithe kimwe, hejuru cyane mu kirere, nyina w'ibizu wari warateye rya gi ibona icyana cyayo hasi. Itangira kumanuka byihuse cyane irangurura cyane ikibwira ngo kiguruke kiyisange. Cyari kitarumva aho ikizu kirangurura ijwi, ariko kimaze kumva uko kurangurura kwa mbere, hari ikintu cyanyeganyeze muri cyo, maze gishaka kuguruka ngo kigisange. Ariko gitinya kugerageza. Bundi bushya, nyina iragihamagara, ikibwira kuzamuka mu tuyaga no kuyikurikira. Gisubiza kirangurura ko gifite ubwoba. Bundi bushya iragihamagara ikibwira kugerageza. Mu gukubita amababa, gishobora kuzamuka mu kirere kandi, mu gusubiza ijwi rya nyina, kizamuka kure mu kirere. Murabona, cyahoze ari ikizu. Cyari cyaritwaye nk'inkoko igithe gito; gusa, nticyari kinyuzwe. Ariko kimaze kumva ijwi rya nyina, cyasubiye mu mwanya wari uwacyo. Kandi igithe umwana w'Imana nyakuri azumva, ijwi ry'Umwuka mu Ijambo, na we azasobanukirwa n'uwo ari we, hanyuma azirukanka asanga icyo kizu gikuru ari cyo muhanuzi, kugira ngo babane ibihe byose, mu birere byo mu Ijuru muri Yesu Kristo.

NONEHO DORE IPFUNDU RY'INSINZI YACU, RY'IMENA, rirevana n'umubatizo w'Umwuka Wera.

Abagalatiya4:4-7:

"Maze igithe gikwiriye gisohoye Imana yohereza umwana wayo wabyawe n'umugore, kandi wavutse atwarwa n'amategeko ngo acungure abatwarwa na yo, biduheshe guhinduka abana b'Imana. Kandi kuko muri abana bayo, ni cyo cyatumye Imana yohereza Umwuka w'Umwana wayo mu mitima yacu avuga ati: 'Aba Data!' ni cyo gituma utakiri imbata ahubwo uri umwana, kandi rero ubwo uri umwana, uri n'umuragwa ubihawe n'Imana."

Ni byo. Yesu Kristo yaraje, Yapfiriye ku musaraba, kandi Yashohoje ugucungura (ugusubizwa kwa nyirabyo wa mbere mu kugura, mu kwishyura ikiguzi), maze Adusubiza MU MYANYA NK'ABANA. Nta bwo Yatugize abana, kuko twari dusanzwe turi abana Be, ahubwo yadushubije mu myanya nk'abana; kuko, igithe cyose twari tukiri mu isi, mu mubiri, ntitwashoboraga kwemerwa nk'abana Be. Umwanzi yari yaratugize iminyago. Nyamara, uko biri kose twari abana. Nimwumve ibi: "KANDI KUKO MURI ABANA, IMANA YOHEREJE MU MITIMA YANYU UMWUKA W'UMWANA WAYO, UBATAKISHA UTI: DATA, DATA!" ni nde Umwuka Wera yamanukiye umunsi wa Pantekote? Ni abana. 1 Abakorinto? Ni abana, ubwo BUMVAGA IJAMBO.

Umubatizo w'Umwuka Wera ni iki? Ni Umwuka ukubatiriza mu mubiri wa Kristo. Ni ukuvuka ubwa kabiri. Ni Umwuka w'Imana winjira kandi Akakuzura umaze kwhiana (umaze kumva Ijambo Rye), kandi ukaba waramaze kubatizwa mu mazi menshi mu Izina ry'Umwami Yesu Kristo nk'Ikimenyetso cy'umutima uticira urubanza ku Mana.

Icyo tumaze kwerekana cyakabaye kitworoheye cyane twese kugisobanukirwa niba twese twemeraga inyigisho z'Ubumwe bw'Imana. Mbese, nta butatu bw'iyi Mana bubaho, ahubwo ni Imwe Rukumbi. Bityo, ntitubyarwa ubwa kabiri n'Umwuka w'Ubugingo wa Kristo utwinjiramo, nyuma yaho Umwuka Wera akinjira ngo aduhe imbaraga. Iyo biba byari ukuri, kuki dukoza Data isoni mukutamuha uruhare mu gakiza kacu kuzuye? Mbese, niba agakiza kava ku Mwami, kandi hakaba hariho abami batatu, rero hakwiye ko na We (Data) agira icyo akora.

Ariko tubona neza ko Yesu yavuze mu buryo busobanutse ko ari We kandi We Wenyine winjira mu mwizera.

Yohana 14:16 havuga ko Data azohereza undi Muhumuriza.

Ariko umurongo wa 17 uvuga ko We (Yesu) abana na bo, kandi nyuma, ko Azaba no MURI bo.

Ku murongo wa 23, Abwira abigishwa, Avuga ati: "Twebwe (Data n'Umwana) tuzaza muri we." Rero ni Data, Umwana n'Umwuka Wera bazira icyarimwe, kuko ARI UMUNTU UMWE RUKUMBI ugize ubumana. Uko kuza kwabaye umunsi wa Pantekote. Nta kuza k'Umwuka inshuro ebyiri kwabayeho, kwabayeho inshuro

imwe gusa. Iribazo, ni uko abantu batazi ukuri kwimbitse. Bizerera Yesu gusa kubabarira ibyaha ariko ntibakomeza kugeza bakiriye Umwuka.

Mbere yo gusoza iyi nsanganyamatsiko, nzi ko mufite iribazo mu mutima. Mwashakaga kumenya niba nizera inyigisho yuko twahozeho na kera. Sinizera iyo nyigisho yuko ubugingo bwahozeho kera, ari yo y'Abamorumoni, nk'uko ntemera ko ubugingo buva mu mubiri ngo buge mu wundi. Mwitonde, musobanukirwe neza ibi: si umuntu watoranjwe n'Imana, by'Iteka ryose, NI IJAMBO, IMBUTO. Dore icyo ari cyo. Hashize igihe kirekire, kirekire cyane, igihe kirekire bikabije kugira ngo umutima wa muntu ubashe kubyiyumvisha, Imana ihoraho, y'ibitekerezo bihoraho, yatekereje kandi ica iteka ngo:

"NAKUNZE YAKOBO MAZE NANGA ESAWU

(Abaroma 9:13),

MU GIHE ARI NTA N'UMWE WO MURI BO WARI WAKAVUKA, KANDI KO ARI NTA N'UMWE WO MURI BO WARI WAGAKOZE IKIZA CYANGWA IKIBI."

Murabona, cyari IGITEKEREZO. Hanyuma, icyo gitekerezo cyarigaragaje, maze Imana icungura Yakobo kuko Yakobo wenyine ari we wari IMBUTO. Kuko Yakobo wenyine ni we wari ufite imbuto; ni yo mpamvu yari afite uburenganzira ku murage w'umwana w'imfura no ku isezerano ry'Imana.

Niba uri imbuto nyakuri, uzumva iri Jambo; Umwuka azakubatiriza mu Mubiri wa Kristo, Azakuzuza kandi Anakwambike imbaraga, kandi uzakira Ijambo ry'igihe n'igisekuru cyawe. Murabona uko igihamya nyakuri kigaragara neza iyo Ijambo ribahishuriwe? Mwongere murebe: Yesu yari Imbuto ya cyami. Yari atuye mu Mubiri wa kimuntu. Ubwo Umwuka wamuhamagaraga (We, igitekerezo cyagaragajwe n'Ijambo), Yagiye kuri Yorodani, aho Yabatirijwe mu mazi. Amaze kumvira Ijambo, Umwuka wamumanutseho, maze ijwi riravuga riti: "Uyu Ni Umwana Wange Nkunda cyane. Mumwumvire." Ijwi ntiryavuze riti: "Uyu yahindutse Umwana wange." Yesu YARI Umwana. Umwuka Wera yamushyize mu mwanya We nk'Umwana imbere ya bose. Hanyuma, Amaze kuzuzwa atyo (kandi urwo rugero rwabayeho umunsi wa Pantekote maze runakomeza kubaho ibihe byose) Yerekanaga imbaraga, Yakira ukwhishura kuzuye kw'Imana, uko Imana yari yaramuhaye kw'icyo gihe.

Tumaze rero kwemeza bidahwema ko igihamya nyakuri ko twabatijwe n'Umwaka Wera, ari uko umwizera yakira Ijambo ry'igihe arimo. Ngiye kubibereka mu buryo busobanutse bidasubirwaho.

Ibihe birindwi by'itorero, nk'uko byerekanwa mu Byahishuwe, igice cya 2 n'icya 3, bikubira hamwe igihe cya "Umwuzuro w'abanyamahanga" ni ukuvuga igihe cyose Imana ikorana n'abanyamahanga ku bijyanye n'agakiza. Muri buri gisekuru k'itorero, hatavuyemo na kimwe, ikintu kimwe kiravugwa mu ntangiriro no mu iherezo ry'ubutumwa kuri buri gihe. "Andikira intumwa (y'i Efeso, y'i Simuruna, y'i Perugamo, y'i Tuwatira, y'i Sarudi, y'i Filadelifiya, y'i Lawodikiya): dore ibivugwa n'uwitwa..., n'ibindi. Ufite (mu buke) ugutwi niyumve ibyo Umwuka abwira amatorero." Mwitegerezze hano muri BURI gisekuru k'itorero, Yesu (akoreshje Umwuka) abwira umuntu UMWE GUSA ku birebana n'Ijambo ry'icyo gisekuru k'itorero. Intumwa IMWE GUSA, kuri buri gisekuru k'itorero, ihabwa icyo Umwuka agomba kubwira icyo gisekuru k'itorero, kandi IYO NTUMWA IMWE RUKUMBI ni yo ntumwa y'itorero ry'ukuri. Ivugishwa n'Imana, binyuze mu guhishurirwa, Ibwira "Amatorero", ku Ry'ukuri no ku ry'ikinyoma. Ubutumwa rero bumeneshejwe bose. Ariko, nubwo bumeneshejwe bose abagezweho n'ubutumwa, ubu butumwa bwakiriwe mu buryo bwhariye n'itsinda ryihariye, mu buryo runaka. Buri muntu mu bagize iri tsinda ni umuntu ufite ubushobozzi bwo kumva icyo Mwuka avuga anyuze mu Ntumwa Abumva ntibakira ihishurirwa ryabo bwite ryihariye, nk'uko itsinda ridashobora guhabwa ihishurirwa ryihariye AHUBWO BURI MUNTU YUMVA KANDI AKAKIRA ICYD INTUMWA YAHAWE N'IMANA.

Kandi, ntumutangazwe nuko bimeze bitya, kuko Pawulo, ari munsi y'ukuboko kw'Imana, yashyizeho uru rugero. Pawulo wenyine ni we wari ufite ihishurirwa ryuzuye ry'igihe ke, nk'uko bihamirizwa n'igereranya rye n'izindi ntumwa, abemeye ko Pawulo yari abereye icyo gihe intumwa—umuhanuzi watumwe ku banyamahanga. Mubone kandi ikerekana neza mu Ijambo: ubwo Pawulo yashakaga kujya muri Aziya, Imana yaramubujije, kuko intama (abana Bayo) zari i Makedoniya, kandi (Abanyamakedoniya) bajyaga kumva icyo Umwuka yashakaga kubabwira anyuze muri Pawulo, mu gihe Abanyaziya batajyaga kumwumva.

Muri buri gisekuru twongeye kubonamo neza neza rwa rugero rumwe. Dore impamvu umucyo uza unyuze mu ntumwa itanzwe n'Imana mu gace runaka. Hanyuma, bihera kuri iyo ntumwa, umucyo usakara unyuze mu murimo w'abandi bantu bigishijwe neza. Ariko bigaragara neza ko abasohoka bose batiyumvisha ukuntu ari ngombwa kuvuga icyo umuhanuzi yavuze GUSA. (Mwibuke, Pawulo yaburiye abantu kuvuga icyo yavuze gusa. 1 Abakorinto 14:37:

"Nihagira umuntu wibwira ko ari umuhanuzi cyangwa ko afite Umwuka, amenye ko ibyo mbandikiye ari ITEGEKO RY'UMWAMI WACU. Iki? Mbese kuri mwe ni ho Ijambo ry'Imana ryaturutse? Cyangwa se ryageze kuri mwe mwenyine?"

Bongeraho hano, cyangwa bagabanyaho hariya, kandi bidatinze, ubutumwa ntibukiri umwimerere, maze ububyutse bukazima. Mbega ukuntu tugomba kwitwararika kumva ijwi rimwe rukumbi, kuko Umwuka afite ijwi rimwe gusa, ari ryo Jwi ry'Imana. Pawulo yari yarababuriye ngo bavuge icyo we, yari yaravuze, kandi na Petero ni ko yabigenje. Yarababuriye, ababwira ko NDETSE NA WE UBWE (PAWULO) atashoboraga guhindura Ijambo na rimwe yari yaratanzo ahishuriwe. Yoo! Mbega ukuntu ari ingirakamaro kumva Ijwi ry'Imana rinyuze mu ntumwa Zayo, maze zikavuga icyo zahawe kubwira amatorero!

Nizeye ko mutangiye kubibona noneho. Wenda noneho musobanukiwe impamvu ntavuga rumwe n'abanyamategeko b'Abapantekote. Ngomba kuguma mu Ijambo, uko Umwami yarihishuye. Sinacukumbuye insanganyamatsiko mu buryo bwimbitse, byansabaga ikindi gitabo, ariko dufashijwe n'Umwami, tugiye kubona ibyigisho byinshi, bande nyinshi n'ubutumwa bwinshi kuri izo ngingo zose, ngo bibafashe gusobanukirwa no guhuza Ibyanditswe byose.

"Ufite ugutwi niyumve icyo Umwuka abwira itorero rya buri gihe k'itorero." Muri buri gisekuru k'itorero, kwari ukurangurura kumwe. Nimwumve icyo Umwuka avuga. Niba uri Umukristo, uzagaruka ku cyo Umwuka yigisha, ni ukuvuga Ijambo ry'iki gisekuru k'itorero. Intumwa ya buri gisekuru k'itorero izabwiriza iri Jambo. Buri bubyutse nyakuri bushya buzabaho kuko abantu bagarutse mu Ijambo ry'igisekuru cyabo. Irangurura rya buri gisekuru k'itorero, ni ugucyaha: "Mwavuye mu Ijambo ry'Imana. Nimwihane maze mugaruke mu Ijambo." Guhera mu Gitabo cya mbere cya Bibiliya (Itangiriro), ukageza ku gitabo cya nyuma (Ibyahishuwe) kubabara kw'Imana gufite impamvu imwe rukumbi: kujya hanze y'Ijambo; kandi hari umuti umwe kugira ngo dusubirane igikundiro imbere Yayo: tugaruke mu Ijambo.

Mu gihe k'itorero cya Efeso, muri iki gihe k'itorero, no muri buri gihe k'itorero kidushishikaje, tuzabona ko ari ukuri. Kandi mu gihe cya nyuma k'itorero, ari cyo turimo, tuzabona kubura byuzuye kw'Ijambo, ukwimura Imana gukomeye kuzasozeresa mu mibabaro ikomeye.

Niba uri Imbuto nyakuri, niba warabatijwe by'ukuri n'Umwuka Wera, uzaha agaciyo Ijambo Ryayo kurusha uko ugaha iby'ingenzi byawe, kandi uzagira urukundo rukomeye rwo kubeshwaho na BURI Jambo rivuye mu kanwa k'Imana.

Ni ryo sengesho ryange rikomeye kuri twese: Tubashe kumva icyo Umwuka atuzaniye mu Ijambo uyu munsi!



www.messagehub.info

Ibibwiriza bya
William Marrion Branham
 "...mu minsi y'ijwi ..." Ibyah. 10:7